

四明四友詩總目

寒村半人選

東門

古今體詩八十二篇

南谿

古今體詩一百二十篇

北溟

古今體詩八十篇

西郭

古今體詩六十六篇

四明四友詩

總目



余幼好作詩八九歲侍先君子時卽知詩宜善變年十八負笈張氏味芹堂學爲舉業而不喜也與漁谿韞山和淵明長吉詩晨夕不倦後二年先君子逝世無暇作詩三十後頗悟此生直寄興至卽出遊舍北營書屋數間種花栽竹坐卧其中因與鄭子南谿萬子西郭往來吟咏忘食廢寢謝子北溟遠隔蛟川不能如二子常聚偶來信宿批摘亦嚴蓋數十年來見漢魏則學漢魏見六朝則學六朝見唐宋元明諸大家則學唐宋元明諸大家不名一家而務爲善變所奉庭訓如此似可謂得詩源流矣然而數十年前有所作人目之曰此李寅四明四友詩

閑開闢草自序

一

伯之詩也數十年後有所作人目之曰此李寅伯之詩也窮工極苦究竟不脫本來面目愴然自謂此道於我無干因欲棄之不爲已又念梨州黃先生秦川鄭先生皆一代遺老所稱詩文宗匠也黃先生嘗謂李寅伯五言古能另開生面餘亦不俗鄭先生見余數數爲詩嘗謂少年勇進如此他日欲不以詩家名世不可得也其後筆山范先生歸自延平寒邨鄭先生歸自高州兩先生皆以詩名當世均相嘆息謂四明風雅一派無人收拾興高志銳今後斷歸李氏子矣而鄭則相與久相契尤深其所誘掖獎勸處頗多蓋所歷諸先生之月且

又如此竊謂於詩家或者其有分也用是不敢自信都爲一集以就正有道庶使天下之衆耳衆目審其爲李寅伯之詩耶其爲非李寅伯之詩耶其名爲善變而究竟不能一變耶其不變者固自有在而所爲善變者亦自有在耶那天定之矣而人自不能爲耶將人不能爲而終亦各成其爲詩耶孫可之云文章如面孰妍孰醜孰真孰否端必不能辨之者已康熙己丑初秋東門李暉自序

四明四友詩

開開閣草自序

二

東門別閣草目次

贈謝漢偉

贈錢西清二首

題萬季野夫子西郊送別圖

寄高則原萬開遠

入太白山知金介山於去臘病亡

潮音洞 雪竇妙高臺

妙高退禪師紹興人先大夫甲子同年友

也甲申之變投老於此肅拜塔下

由老人峯登文殊院寄中洲上人

文殊院

從西海門出見有携杖來者僧鐵夫也狂

四明四友詩

閑閑閣草目次

喜賦此

黃山懷岳公 騰空嶺午飯

同僧延喜自修遊石梁

平頭潭午飯

病起述懷 九首 歲暮述懷 十首

對月 早起

白雲洞 蘭浦堰遲潮

響巖 艤舟鄞江嶺下

晚晴 脚病詩 六首

散懷 三首

足病未痊難脫塵網送喪遠郊朔風蕭瑟

幽室長閉歌以寄懷

貧士歎

命子

壽印公七十

老母八十壽言

題徐芷水課子圖

壽陳子政六十

壽吳母胡夫人五十

印千上人開遠摩蒼集笑讀居暮雨用韋

蘓州韻

訪靈峯僧朗然

乞睡篇

東邨新營小閣種樹

移面牆書屋花木植東邨乞睡軒

五月一日自學樊堂入省輿移山松最小

四明四友詩

閑閑閣草目次

二

者而歸以種之非其時也

對鏡見頭上髮白過半

早起示兒曹

東門別閑閣草

董李 敷寅伯著

贈謝漢倬

淵明克自娛顧影笑獨盡飲酒必學陶徒爲古人
哂借物始忘憂依然一物蠢君乃遠心人興來觥
自引余飲少輒頽亦能解悲憫溪湍與江濤智樂
同一朕

贈錢西清

東臯錢西清窮懶兩無匹半生何所求杜康消時
日非以酒驅愁能知愁不必無愁神自閑不羨仙
與佛

四明四友詩

閑閣草

我食前人德田尚數百畝瘠畱肥者賣捉襟時見
肘君今阡陌間尺寸無所有不知日復日亦飲亦
食否君豈有術乎胡爲但飲酒

題萬季野夫子西郊送別圖

老成歎凋零死別生僕僕直方與怡庭墓草悲已
宿高州痛聞訃萬里牽案牘允誠計餬口依人苦
拳局假山雲在樓南北分馳逐和仲與子政八口
謀鹿鹿味芹昆季賢圖書稍藏蓄前輩歎寂寥後
起思教育先生不可畱又欲膏車輻前者送北行
猶有煙與叔今年疊易鬪行李先生獨六十翁已
衰三千里難縮行矣期三年歸來飽餽粥

奇高則原萬開遠

東廬重交情性癖多自是觸之不能容事過絕渣滓山陰驚訃聞莫不痛其死西泠有高生同里有萬子前俱受公知後邵蒙公毀死後兩札傳珠淚洒滿紙忘怨不忘德固服二子美然而非先生亦安能致此余幼悲失怙頑劣同豚豕忠告善道之繼以涕泣止於今一故吾報公慚國士總之公生平行道直如矢所以汙俗中聲氣少魚水二子砥中流真足起衰靡予將竊附之雲山結遙企

入太白山知金介山於去臘病亡

學誠齋裏接高風孤峭天然迥不同行迹往來塘

四明四友詩

閑閑閣草

二

上下詩名洋溢浙西東性情不掩瑕瑜露唐宋全非齒頰工方欲偏師旗鼓敵忽教灑淚梵王宮

潮音洞

兩日勇追隨遊子怯脚力徘徊不敢前僕夫請少息人生名勝區一失難再得攝衣直前行不覺重嶺陟風逼萬樹斜沙鬆雙屨沒天窻洞頂開紫竹石中匿潮音倏入眼使我肅胸臆我思清淨根心契無相色見者固渺茫傳者亦逆億如真有見聞我來當與接

雪竇妙高臺

幽深上雲衢崔嵬立天表四顧山青青幾處日皎

陵十心任逍遙雙目馳縹緲但知萬峯低不覺一
身小和風拂人衣巖花飛樹杪秋光更何如春意
自然好

妙高退禪師紹興人先大父甲子同年友
也甲申之變投老於此肅拜塔下

兵氛滿地逼公來咫尺家鄉竟不回杖鉢久齊生
死路風塵不上妙高臺西陵長抱胥潮恨東浙原
多烹廟才分付勾芒無限量冬青只許墓前開
由老人峰登文殊院寄中洲上人

引步方丈後芒屨滑玉沙中公笑我怯那能歷險
衽我行十里中所見無一嘉峭壁路曲升小徑草

四明四友詩

開闢闢草

三

橫遮匍匐見老人此境便足誇奇峰看環立疊嶂
望無涯坡過小心穩天開一線餘仰視觀音崖日
色來了又無石不生艷無草不成葩老松能解迎
選地久趺跏天都天半中劍戟插如筓卧龍復相
招循榦攀枝極一樹一石奇心驚口自呀此間別
有天便欲以爲家斧鑿路已絕從人皆歎嗟登梯
遂陟臺童僕歡聲嘩卽趨文殊座萬里無烟霞但
看桃成象未啖棗如瓜醉呼洞口翁天都有醉翁守門泛
美山頭艦蓮花峯上有石船安得容成子携我登蓮花

文殊院

雲裏靈區闢登臨何處同危巒齊插耳拳石妙當

胸天近萬峰伏秋高四壁空遊人賞不倦糾結盡
奇松

從西海門出見有携杖來者猶鐵夫也狂
喜賦此

踏盡龍鬚與碧苔飛來峰下鐵公來恰如湯口街
頭出忽見黃山面目開

黃山懷岳公

我想公形貌骨立而神清黃山無膚土瘦削而呼
噉我想公筆墨曲折而幽峭黃山皆妙峯峻嶒而
窈窕公胡久行脚從未見天都公今一世少山真
天下無使公居此山人地皆相宜山猿捧袂裝山
四明四友詩
閑閑閣草
四
烏鳴填篋公雖八十翁脚力我不及公來我知公
見山定合十

騰空嶺午飯

十里三叉布穀鳴松濤萬斛送人行擔柴燒土栽
秧煖負耒耨田放水平嶺下幾家烟斷續山頭一
線路分明深切地主殷勤意菜把親刪爲客烹

同僧延喜自修遊石梁

數丈春花萬樹紅同行不雨不晴中泉流雙派千
尋壯閣聳孤峰四面空銅塔無情懸草木石梁有
路斷蛻虹蒲團坐久生岑寂絕勝東坡夢裏逢

平頭潭午飯

率非寒輕稱薄綿遊人喜是暮春天日當過午纔
成市酒竟如泉不似金野鳥深林能自語竹堦平
路任高眠寒山拾得今何在畱得巖阿萬古傳

病起述懷

瘧鬼乃何物今年秋復病筋骨愈摧殘寒熱互爭
競強起對鏡看滿頭霜雪映夜午每候晨呼童看
斗柄儼然一老翁伏櫪氣空橫母老愁旣深子弱
憂復併此身宜康強且自圖清淨

開遠今年來幾於無生理父疾半身風藉人得卧
起何策營參苓無力供甘旨母老况勞心妻賢未
育子一室愁苦聲沁入心脾裏自然損天和疾痛

四明四友詩

開闢闢草

五

不能已有女曰掌珠誦詩差可喜

南谿佳公子天性好談禪樹幟文氣高築壘詩思
鮮曠野走驥驟空山橫楠榿今年戰棘闢辛苦復
徒然家勢簪纓盛七葉一纒傳至今尚無兒四十
非少年蛟川謝北溟澄清如深淵對山讀好書焚
香弄清絃功名與子息亦未了此緣二子雙鳳凰
與我時周旋我嘗意不平搔首欲問天功名何足
道生子誰後先

侵晨啟柴扉司馬致雙鯉不改四明操仍飲三衢
水四明僻海隅公來台半紀行簡省簿書惜陰研
經史清淨同老僧風流駕高士有時日過午晨爨

烟未起我見公欲愁公見我必喜擬從富春江請
公消吝鄙一病卧六旬足不出閭里木葉方悲號
愁盤轉不已把書益念公幾復爭吟壘

老友我印公托跡方外子衣鉢傳玲瓏結構仍閭
里一灣水相依數竿竹自喜雅集憶今春邀我入

室裏無火茶不烹拂衣塵亂起方琴親題鐫

公頗
親摹

日太市乞我詩文紀公有子與孫浙西隔千里往

來七十翁矍鑠輕行李我思公此身形骸特寄耳
削髮豈是僧讀書已非士不陌亦不阡忘生亦忘
死逃禪不談禪一笑長已矣

董二三世交制藝競傳誦三年復三年勤苦亦何

四明四文奇

開閣閣草

六

用洒淚辭高堂不得甘旨供仙霞勢盡天客路寒
雲共

良朋有幾人圭璧推陳二室家風雨搖妻兒藥石
累祇賴守瘠田饑寒尚不至今年秋穫好意外生
禍崇朗月渡銅盆舟覆人幾斃所交諸素心聞之
發長喟君謂人得還敢忘上帝賜饗飧雖不給團
圞已足慰我生食舊德飽煖忘所自每多出位思
對君發惶愧

公車錢西清早宜向北進冷風利作刀寒雲凍成
陣呼吸冰結鬚高下匪失韜此况久灼知而却難
自振無田有歲饑有地無丁饑借酒作生涯千愁

萬愁損吾聞否與泰轉環在一瞬看遍長安花猶
未白雙鬢行矣莫顧身身梅報春信

客來說漁溪昨上九曲嶺獨立五峰前殘紅看四
境昔年與君弟典拉南谿猛儘日走荒山徹夜弄
毛穎望海思北溟斜陽勇馳騁今年病蹙躡一室
同陷奔胆視鬚鬢寒心怯風霜冷曾未覩秋光倏
又傳冬景去壯真如剪觸緒發深省

歲暮述懷

飲酒不在多務得酒中趣獨酌消怨尤共飲通情
愫惟彼沉酗者萬事皆不顧如果人之生沉酗亦
無誤我何爲不然醉鄉忘朝暮

四明四友詩

開閣閣草

七

貧者士之常去貧卽非士我見今貧者束手愁餓
死夷齊隱首陽餓死乃其理人生貴有用徒死豈
爲是富貴不可求匏繫亦可耻盡吾所能爲俟命
而已矣

人生於兩間莫不有其位經營彼此殊閱歷始終
異於情無不安於理始無媿爾思日朋從徒自勞
夢寐

先子棄我時我方年十九大雪日盈庭隻影寒無
偶於今廿三年此雪從未有林岫忽皓然道路斷
人走昔雪照朱顏今雪照白首不知夜臺中冷亦
相似否

七子憫困窮好施無虛日猶能記某某告急頻促
膝相見無倦容博濟悉無術上溯三百年蟬聯垂
陰隲我力稍可爲此意勿敢失書以示兒曹百世
善繼述

老成歎凋謝畱此兩寒翁寒泉滿頭雪寒邨半身
風寒泉領方外兩耳厭鼓鐘寒村偃林下一手倩
奚童念此兩翁者品格皆登峰新春好風日五里
清關松寒村念寒泉訂我相過從

隔巷地如帶面牆結書屋布置任天然而却自屈
曲良朋娛酒詩良晨艷花木青栽隙地蔬綠蔭牆
隈竹此中天地殊生機隨意觸我欲塵網離人自
四明四友詩

閑閑閣草

八

愁城築

人皆有此身人皆自爲人爲人良不易焉得辭苦
辛恃人勢不久行已道自仰天地好生物亦篤材
可因

誠齋論月色無過臘裏好霜水細揩磨雪汁復洗
澡從古數中秋此語未深討病餘守單牀睡少居
然老五更月透窻衣裳披顛倒織輝發劍鋸清氣
空蒼昊遙想釣雪舟慨然感懷抱

吾欲聾吾耳所聞無不愁吾欲盲吾目所見無不
憂憂愁滿耳目欲解無良籌百年過一瞬此身何
扣因况彼憂愁者理數難安求齒已落我口髮已

白我頭心曠形自適白日間且偷

對月

登樓獨坐久見月生東方漸漸下窻榻就之安匡
牀欹枕擁衾稠滿牀明月光老樹酬清風寒蟲語
巖霜看月漸不見吟詩入夢鄉

早起

曉夜色未分朦朧水上樹披衣啜苦茗倏忽朝陽
露小屋散輕烟高堤收宿霧豁焉心一開曠然目
四顧此樂天莫禁不來人自誤

白雲洞

古洞尋白雲杳渺無一片老僧指示余小小潭中

四明四友詩

閑閑閑草

九

見山中占晴雨收放皆一線一勺能幾何蛟龍輒
善變非時不可觀歎息歸僧院

蘭浦堰遲潮

席地選松陰四面呈秋色高曠怡心神艷麗窮目
力青山放白雲綠波漾紅日坐卧入畫圖領略傳
筆墨無潮舟不行久久計亦得

響巖

峭壁立澄潭何事呼必應不道茲山靈曲供遊人
興小洞一徑深白雲嬾入定吾聞山之德仁者可
相贈高下巧相隨母乃近於後

艤舟鄞江嶺下

老樹橫遮天清流冷浸雲中吐一片石坐恰三人
分翠鳥無飛侶錦鱗樂遊羣撚鬚唱高曲沽酒尋
微醺流連不卽渡恐復染塵氛

晚晴

懸彼白雲脚還我青山面秋林添夕陽錦繡橫一
片靜深溪水中細觀無不見骨網散漁家鐘鼓起
僧院此中趣味多獨坐曾無倦

脚病詩

蝸舍散愁懷四面圍高木枝枝結層陰葉葉鬪深
綠翻風艷晚霞凝露潤朝旭好鳥呢一二良朋來
五六庭除足幽賞誦讀尋芳燭心安自知曠地小
四明四友詩 開開開草 十
不覺覺淵明南村廬取蔽床席足品豈遂與齊此
意不讓獨

武夷久相招夢寐思覲面况復荔子鮮飽啖劇欣
羨一病成跛翁舉步皆不便傷哉籠中鳥淒涼聲
自囀我思岳瀆外幽奇滿宇甸一年遊一山百年
亦難徧幾得百年生而復病來纏回頭四十年倏
若驚流電

試問人之生孰能去衣食饑寒飽爨殊經營理則
一皇皇百計求總爲分所得智未勝於愚昧機同

達識

可滋百物潤機枯人不解風吹百物散愁城人獨

豎維彼大造中人物寧有偏人生首靈智要各具
一天我之天不靈彼天亦無權是以樂天者躍魚
而飛鳶

使人餌丹砂換骨有妙術我何不學之白日升羽
翼壺中老雖聞肆頭藥未得何如因病閒自仙亦
自佛

我愁能自除我病難自却病久愁復生愁生病轉
惡偶有病忘時狂歌又小酌緩步自舒散園林卽
丘壑世短一夢長且極片時樂

散懷

人生貴少年種松偏愛老老去姿態生虬龍蟠蒼

四期四友詩

閑閑閣草

十一

吳十年植一松葱鬱樓外掃安得卽見之百尺幹
盈抱乾雪滿予頭怒焉心如擣忽聽松濤生不覺
胸懷好

目中不見山胸中安得詩自知塵俗面把鏡不敢
窺學步立中庭仰視雲多奇便若對好山慰我渴
與饑漸漸斜陽沒相看無厭時

坐臥一室困風雨五月寒雖時對賓朋久不整衣
冠賓朋多知音草草列杯盤霑唇飲先醉愧我量
不寬醉後趣各領吟咏行蹒跚雨餘晴色佳林木
翠可觀莫以來者漸而謂過者殘人生數十載奚
用多悲歡

足病未痊難脫塵網送喪遠郊朔風蕭瑟
幽室長閉歌以寄懷

萬事在一生野馬無根蒂亦有百年人修短同埋
瘞塵無不亂飛水無不東逝愚者自朦朧達者自
開霽斜日落西山欲繫苦無計

有生必有死生豈從人欲無如得生者百事尋桎
梏生固不能貪死亦難求速期願總寄耳奚用悲
心曲

貧士歎

孰不畏饑寒乃謂士之常一身貧何辭悲矣侍高
堂高堂老且病愁對無一商屋上起空烟席前設
空觴呻吟徹長夜闔室隔睡鄉對人舌難下顧影
日少光安貧自有樂此樂尋何方

命子

上智誠爲難中人良不易儉勤基有道豈不知勞
勩貴賤遠差等務克成一器富貴天與之饑寒人
自致依人不自立良材嗟暴棄

壽印公七十

鬚眉七十成老翁抄書眼明耳且聰小屋數間橫
短榻野田千頃圍寒風錯認農家絕雞犬細看禪
室無鼓鐘舊衣破碎手自綻敗絮堆積頭難蒙炊
烟一起三餐了身似片雲浮太空信口詩或驚神

鬼捉筆書欲驅蛇龍閱歷人物誠多矣時存此老
吾胸中到門修竹老愈翠沿堤小相嫩先紅祝公
隨乞祝吾母岡陵滿幅圖青松

老母八十壽言

癸未冬十月二十有八日暇將爲老母開讌壽八
十欲借詩文光稍增貧賤色寒邨著作手渡江求
左筆不以病辭我結構團心力母德賴以傳五內
私銘刻次念平生交有幾同膠漆祝嘏豈乏才微
言不濫及暑年與南谿味芹同負笈快談接晨昏
苦吟鏤肝膈二張天下才雙璧一門集先子期望
深病劇語牀側指以文行優小子必矜式三餘草

四明四友詩

閑閑閑草

十三

堂中招會多佳客上林及次歐因此得相識先子
患肺中柴門車馬塞結社和杜詩彌封置甲乙窻
下候丹黃榮辱同黜陟萼山與鹿亭鑒賞每可必
今雖拾朱紫交不分車笠同時范訥齋仗劍走南
北負才不獲試意氣長趨軼此中老輩稀碩果留
萬七東牀五十年鬚髮猶漆黑萬氏號通家三世
如一轍管村淵雲才投老鑑湖曲九沙新庶常姓
氏揚京國開遠人中豪憂虞遭百折石交得三陳
賢聖時交勗卜年真善人山學亦美質摩蒼余妹
婿文行中格律每憶東廬翁憐余勤輔翼卽今稍
有知欲報已無及所幸後起賢相過常促膝二十

餘年來四顧少父執岳公一屈指文品兩無匹彷彿者印公逃禪不學佛瓢笠時往來迎送都不揖城南雲在樓主人勤學植菘瞻守青氈閉戶親書帙仁伯舊知交襟期挹清潔蛟川謝北溟如玉溫而栗心意投水乳踪跡畧疎密大阮卓高風蘭臺避荆棘平湖老廣文艱辛暮境逼醉眠愁不知烟霞爲痼疾傳二與予交二沈爲之合余買舟東遊兩家時食息相期砥狂瀾濤山等翠律諸公持瑤篇爭來祝大耋堂上炫光芒揜映小春節暇也駑駘姿未能善繼述文章茫不知元魁老未奪祿養寄空懷讀書愧兩姪司馬斬雁堂海內老詩伯不

四明四友詩

開開閣草

十四

以貴賤分珠璣賁蓬草從遊三君子投句皆冰雪閩遊怪董二緘詩獨阻隔乍交沈斐英郵筒來不測寶珠茶已開王母桃正實霑雨苦泥濘忽見朝陽出老母夙畏寒晴和邀福澤壽母吾家多百歲應復得

題徐芷水課子圖

吾有三男兒生性好懶惰在天學陶潛酌酒且高卧見君課子圖失教知余過蒙時不及養傷心在老大書香一失傳萬事難負荷君兒望早成吾兒賴切磋

壽陳子政六十

先生年六十不自以爲叟百事懶營心一卷常在
手破屋八九間薄田十數畝適意偶灌花陶情不
須酒膝下時弄孫無懷葛天後令子誠二難辛苦
書香守摩蒼館余家金石交益厚每來課詩文稱
譽不容口歡然父子間談笑如良友天倫樂無窮
人皆知自取但欲如先生要亦不多有戚戚非青
衫汲汲非紫綬窮達聽之天天道應無負

壽吳母胡夫人五十

南谿三十年與予交最厚余也性慵疎蝸舍長株
守四方聲氣通無出南谿右今春武林歸花箋持
在手殷勤說吳子爲其太君壽東浙徵詩文姓氏
四明四友詩

開闢闢草

五

記某某顧余未登堂言笑接杯酒強年貧賤身下
里何足取吳子意謂予南谿之好友余亦安得辭
祝嘏諸公後去年冬十月徵詩壽吾母悔不因南
谿索題垂不朽

印千上人開遠摩蒼集笑讀居暮雨用韋

蘓州韻

夜影生何易空庭細雨時無情春去早得意句來
遲近樹蒙烟遠枯容藉酒滋圍燈高唱罷默坐寫
烏絲

訪靈峰僧明然

曲徑沿山觸午烟村家樂事看依然刈禾新疊茅

簾外束豆高懸相樹巔
天上行雲遊子伴
門前流水故人緣
三年蹤跡殷勤話
極目秋原落日圓

乞睡篇

古今人類品級懸
日作夜息無不然
我常統計人一生
百年實半在睡焉
華堂密室牀席美
嘉肴旨酒姬妾妍
日高三丈睡不足
安享富貴誠夙緣
貧者賤者隔霄壤
草窩破屋飽粥饘
觸軒憑几鼻如雷
夢魂無復愁熬煎
庸人百感無所集
愚者萬物隨其便
神昏骨懶惟欲睡
猶恨長夜非長年
智慧獨鍾天地秀
一心靈活四體堅
亦云萬事無過睡
投牀大舫古稱賢
東門李生亦猶人
睡魔獨不來

四明四友詩

閑閑閣草

六

相纏百無所求
心曠曠一無所事
身閑閑寂焉呼
吸非學道醒然
坐卧非求禪
蟲鳴鼠叫耳根苦
鳥嘯雞唱心花鮮
人生白駒過隙耳
自顧四十衰朱顏
庶幾晝夜得穩
睡華胥一枕樂
無邊胡爲獨與
世人異
母乃造化誠多偏
睡乎睡乎如可乞
李生百叩祈禱虔

東邨新營小閣種樹

小閣山川入望賒
獨來晨夕覽烟霞
生如好夢非虛度
詩去陳言便作家
二月天飛連日雨
一朝地遍四時花
回思膝下追隨事
倏忽兒童鬢已華

移面牆書屋花木植東邨乞睡軒

面墻地半畝屋外餘無幾花木愛廣栽森立間尺
咫大者日以昌小者機漸死東邨葺破屋築閣敞
基址移植滋三霧邨天曠無比向榮皆欣欣吾亦
爲之喜安得困頓人提拔皆如此

五月一日自學樊堂入省輿移山松最小
者而歸以種之非其時也

臘盡宜遷松向必求其大聽風聲起濤對月影爲
蓋今移小者歸庶獲保根蒂一物具生機天道皆
不害細築兼高培霽霑盈溝澮一年一尺長安得
百尺外蒼顏樹稚松修短嗟無奈

對鏡見頭上髮白過半

四用四友詩

閑開閣草

七

一愁白髮一莖抽共說愁人早白頭多少勞生頭
漆黑豈賢於我一無愁

早起示兒曹

愛睡無過我旣醒不可睡展轉在枕席殊不適我
意披衣視東方靜候朝暉至人物雜兩間同生不
同類烏啼與雞鳴物亦不我異胡爲同是人靈機
蔽夢寐

東門寄軒草目次

題寄軒

六首

再宿天遊看月

再宿萬年宮看月同道士張懷一

設供岳公龕前口占

送錢又起之長安

六月廿二日同漁山集三餘草堂

送沈子翼之桂林 送董周池之京師

題鄭濮州遺容手蹟帖

九月十六夜顧影獨醉放舟溪中咏月而

歸

生朝舟中寫懷 榻上看東山

四明四友詩

寄軒草目次

買魚養池中 對鏡見白髮滿頭

閑閑閣對太白山懷偉載上人

金仙寺和韞山夢醒憶家次韻

丁亥六月至閑閑閣脚病大發吟卧斗室

語無詮次錄呈故人

八首

寄軒蘭花 狂歌

送徐芷水之黃山 夜歸歸來巷

戊子鵬月二十八日萬開遠夜半敲門歌

老人鬚髮宜白歌爲鄂山作

讀洪簡民詩寄贈 壽萬開遠四十

贈萬開遠 壽錢又起三十

越王臺

過子陵釣臺

玉山道中

開先寺瀑布泉

訪淵明遺宅

坐簡寂觀六朝松下

大林寺憶岳公

水竹居看五老峯

彭澤阻風三日爲僮僕解愁

訪太平別駕仇學周不遇

仇漢松移樽太白樓卽席賦長句

焦山

六月二十七日寄軒早起看月

四明四友詩

寄軒草目次

二

東門寄軒草

鄞·李 瞰寅伯著

題寄軒

鷓鴣巢一枝偃鼠飲滿腹得此坐卧安凡事從儉
朴小小成規模曲折忘局促豈無梁棟巍華藻輝
耳目豈無庭院廣芳艷錯花木此誠不彼如吾心
却已足
屋角挺松枝冬夏青青好每來一對之俗氛可盡
掃松老色漸嬌我老色漸槁人物同此生修短忽
洪造寧不見槿花朝榮夕難保我年半百近不生
已非天時聽松濤來洗滌空懷抱

四明四友詩

寄軒草

吾已安吾拙巧者母我驕吾已安吾愚智者徒自
勞履適在忘足帶適在忘腰虛室散形影焚香讀
逍遙脂膏能幾何而以火自燒所以漢陰老忿然
耻桔槔
一生只苦短是以愛長生長生藥何所神仙徒其
名人心有仙境反結愁爲城仙凡在自處羣動嗟
營營人視生爲重我視生爲輕我何賢於人魂夢
有餘清

晨夕論素心何可一日少我生無他樂座上時圍
繞醉共賞花開吟還玩月皎良朋豈易得相對萬
事了趣雨樹新移上有嬰鳴鳥

我乃有所好天下佳山水興來獨往觀千里同尺
咫脚病久難行塵網困閭里已遊眼底尋便覺雲
烟起未遊紙上看亦使精神喜九州與五岳不遊
誓不止一椽蔽牀席安居誠福祉福祉倘可兼得
此又得彼

再宿天遊看月

昨宵我待月今宵月照我無月夢不成有月睡不
可月色萬象清夜氣四圍裹鼓聲遠接邇溪響右
連左山腰橫宿霧山頭艷野火七椀香不辭一杯
醉亦頗此山固絕少此夜安能夥此夜看此山要
於此地妥坐久坐微涼添衣復來坐

四明四友詩

寄斬草

再宿萬年宮看月同道士張懷一

天遊看月愛天空冲佑看月愛樹密天空月色曠
無儔樹密月色靜無匹樹隱月兮月纖纖月落風
兮風瑟瑟樹高遮不到高峯峯高先在月中立月
中山色看最佳旭日斜陽皆不及我生愛月看月
多一年好月無幾日須臾飛上樹杪懸斜照迴廊
明四壁一聲長嘯入壺天風月滿庭吟蟋蟀

設供岳公龕前口占

公嘗飽我食復喜飲我酒今日陳公前亦飲亦食
否我供不在物公享不在口六十餘年來兩世交
情厚萬古流寒泉送我清關吼

送錢又起之長安

君亦何爲者三千里外行江風吹病骨春雨濕孤
程辭母淚偷下依人事少成相期惟努力京國早
知名

六月廿二日同漁山集三餘草堂用東坡

和子由綠筠堂韻

樹色遮空院蕉陰覆短牆綠窻來習靜白日坐忘
長無語鳥相得不花荷自香蝸廬城角寄那復此
清涼

送沈子翼之桂林

桂林山最奇海內寡儔匹懸立千仞高劔鋸盡萬

四明四友詩

寄軒草

三

億青紅列畫圖艷若新着色李生神久馳沈子口
頻述江南有黃海六十里盤結我昔一探之廢寢
而忘食何況桂林山千里皆奇極沈子今再遊沈
子固無翼胡爲我亦人有願去不得

送董周池之京師

多士集長安百計以爭競看遍一日花我昔亦有
典青衫身尚披白髮頭已盛董生久揣摩才華足
肆應孝友植本根見者親而敬遇合君自有要亦
天所定紛紛名利區母蹈機與穿我夙聞西山幽
奇境最勝夢寐欲遊之無奈我脚病君出宜乘時
我處已知命功名與山川各自尋究竟

題鄭濮州遺容手蹟帖

九世傳如線遺編道貌垂後賢不易得先澤實堪
思源遠長流去山青無了時高樓頻反復香滿木
犀枝

歸 九月十六夜顧影獨醉放舟光溪咏月而

有月恐添愁消愁還對月對月曠始佳不可一物
隔舟小橫溪心先放秋旻碧高林當墻垣清流爲
枕席樂天詩浩歌太白茗頻啜仰視松下樓縹緲
仙人宅倦歸卧其中魂夢獨清絕

生朝舟中寄懷

四明四友寄

寄軒草

四

今古無盡時天地偶生我人心我不除一身事卽
影下愚固茫茫上智亦瑣瑣沒世求其名此意千
古左我生任疎慵不識何者可四十六年來頭白
足半跛霜花寒欲生相林紅已頗恨不卽奮飛春
江樓上坐

榻上看東山

愛此小榻上見彼高山頭山頭亦易見榻上誠難
求我來安所事高枕師無憂雲烟生簷宇嵐翠來
衾稠小寐倏復醒垂幙還上鉤尋幽不入谷放眼
倦登樓卽此卧已足長夏應淹留

買魚養池中

豈爲甘吾口亦非悅吾目魚樂吾樂之不讓蒙莊
獨跳躍亂夕陽遊泳漾朝旭時弄落花紅偶舍岸
草綠江河趨大海浩渺繁水族相隔可奈何一勺
聊生育

對鏡見白髮滿頭

昔我頭上髮但憂白者侵今我頭上髮將無黑者
尋白髮難再黑日月徂青衿相知驚相見嘆息對
我深髮白死非天奚用傷人心搔首理白髮一絲
還一吟

閑閑閣對太白山懷偉載上人

公自往山中但覺山中好我自居邨中便欲邨中

四明四友詩

寄軒草

五

老處境豈有常先亦論懷抱山樓白雲深村閣綠
疇遠咫尺同此天相思何杳渺客來語我公爲衆
營一飽笑我有室家獨對花與鳥

金仙寺和韞山夢醒憶家次韻

饑寒免吾家强健喜吾母遂得歲月舒任我山川
走勝地會意深羈跡何妨久君胡卧僧樓愁起雨
聲陡性情寫其天把讀難釋手人皆同一生生皆
計八口豈人皆曰然而我獨曰否但念少壯老人
之生亦偶達觀無修短齊物何妍醜爛柯事或真
金仙骨亦朽

丁亥六月至閑閑閣脚病大發吟卧斗室

語無詮次錄呈故人

閣僅大於斗臺亦僅盈丈規模小小耳極目乃爽
朗是以一日間百回千回上病移脚如山愁困室
爲網陰晴變態佳咫尺難數往安得登廬山慰我
天際想

望前眠宜遲夜坐候月正望後眠宜早夜起看月
出月但求其明安論盈與昃有月竟忘眠獨對靜
無匹連宵亦醒醒欲起起不得但可啟東窻牀前
邀月色月入詩思通月去詩懷塞無月復無詩輒
轉而反側

登臨苦行脚把卷樂曲肱書不厭不解淵明吾老

四明四友詩

寄軒草

六

朋讀史數千載聊以識廢典讀詩數百篇聊以知
勸懲倦讀卽高卧魂夢清於僧雲嵐對醒眼聚散
原無恙

昔無佳客來我卽披衣往今無佳客來我只憑几
想道阻誰謂遙河隔誰謂廣城中數知心半月杳
音響汪洋一葉通奚不來相訪遂使我詩成獨咏
無人賞

知休休不得學懶懶已成懶者自宜睡雷舛無一
營我懶醒偏多病骨苦支撐蓬萊聳仙窟有藥能
長生古多求之者來往曾無程或於夢通之飽啖
體或輕夢亦不可得愁結真如城

履闋如高山出門同遠路三餐心欲焚五年疾已
痼新詩席地吟舊遊欹枕赴天半太白峯蒼翠伴
朝暮飛雲任往來使我心生妬

愁乃添吾疾胡爲疾反愁驅愁誠無策吟苦愁自
休一字一字吟與古較劣優古人不可及亦能無
愁不但愁詩不傳不愁疾不瘳疾瘳猶可待詩傳
非易求愁詩與愁疾此中皆自囚碧落無一物心
盍與之俾

見山必有詩吟詩無虛日但我所見山晨夕色非
一而我所吟詩曾未進格律我詩幻如山始獲看
山力跋來坐閣中久久應有得

四明四友詩

寄軒草

七

寄軒蘭花

葉半刪來真書意石當安好竟天成疎疎玉笋迎
風立片片苔衣著雨清未吐香時先有韻將開花
處愈多情新營虛室無塵雜坐卧其間一李生

狂歌

四時花木天文章迭運變幻不易常古人深得化
工意絜作文心與詩賜所以序一事詳盡而法良
所以咏一物曲肖而味長一鄉一國及天下鼓旗
壇坫相頡頏世無韓歐與李杜千載奎璧星無芒
文體分厚薄世運卜衰昌跳躍况乃鬼與怪簸揚
盡是糝與糠天道惟有恒終古能蒼蒼若使冬雷

而夏雪吾恐大塊崩裂生災殃斯文日卑近欲喪
縉紳名列猶眉揚我欲付一火安得秦始皇僅留
經史懸日月正如晨夕飽稻粱山川爲倚侶蟲鳥
奏笙簧我心不失我之天天機活潑心相當起問
古人倘有合下任一世呼徜徉

送徐芷水之黃山用歐陽永叔送徐生之

澠池韻

三海峯巒高莫京奇如華岳不足稱憶上蓮花恰
重九氣寒草木先嚴凝揷天拔地眩心目懸嵬絕
巘困知能團結神靈四十里南奔白下東西陵病
脚力怯心壯勇或攀以木懸以繩儘日憑眺夜吟

四明四友詩

寄軒草

八

咏晴空半月興倍增此山絕異遊絕少歸來頗向
人前矜奇松怪石細領略山靈與我非面朋徐子
亦將蠟遊屐須輕行李窮層層慈光雲谷以上好
兩寺僅足傳禪燈我聞十月積霜雪徑路皆絕封
堅冰子行宜急去宜速慎勿拉伴無人膺我將重
遊訪雲海病久畏縮同寒蠅聞之魂夢亦踴躍送
子高騫徒撫膺人生百年一瞬息長久安克如日
昇看齒易落頭易白有水卽涉山卽登造物縱子
成韻事不使翼展垂天鵬天都銅漢猶醉否晤時
爲我問寢興

夜歸歸來菴同南谿亦請用孟浩然夜歸

鹿門寺歌韻

竹林青豁病眼昏細雨催歸鴉陣喧爾鴉有翼不出
卹如予倦復歸禪門晚雲招我看紅樹三年嘆
息人何處欲晤公惟夢裏來有夢還期公不去

戊子鵬月二十八日萬開遠夜半敲門歌

今年秋冬病不了眼花脚跛倏歲杪三更擁被正
呻吟牀頭剝啄聲何早萬子亦是多病軀風霜冒
觸害不少答云睡醒卽出門不問天之曉不曉我
姪貧苦與君同長調子些須所負營懷抱可知君懷
無物我貧富胡獨分洪造催詩方苦似催科吟成
屢讀疑潦草君來擊節驚四隣萬斛愁懷一時掃
四明四友詩

寄軒草

九

舊醅疏食爲君陳君肯一醉復一飽雞鳴出城渡
寒江病夫復卧日杲杲

老人鬚髮宜白歌爲鄂山作

我年四十八霜雪堆滿頭鬚亦半黑白黑者難久
留君年六十四頭黑年少儔長髯美若仙白者間
一抽君老我強壯衰盛迥不侔君猶如盛夏我反
似衰秋長生人所羨君樂我宜愁君謂天之道功
成卽退休花開無不落水止無不流鬚髮老宜白
不白將何求斯言真曠達浮生閒且偷松柏君材
勁蒲柳我質柔物自稟厚薄我亦何怨尤

讀洪簡民詩寄贈

作詩如用兵精嚴貴有律君腹飽孫吳變動不可測上馬提戈矛下馬弄紙筆旗鼓主騷壇直入古人室機趣運神妙法度見周密一卷反覆吟晨夕親顏色我詩同野戰勝敗懶自必試問李將軍何如程不識

壽萬開遠四十

人生如朝槿四十亦非天人生如古松四十正未老人與物相同修短隨洪造萬子救嚴親克不愧孝道養生復送死一身甘潦倒如何病與貧相尋竟不了子詩同冰雪狂歌空懷抱正如秃木號生意不枯槁今年失館穀八口艱一飽我方爲子賀

四明四友詩

寄軒草

十

人胡爲子惱以子千里馬未踐曠野草出門自有功奚必夙昔好前者四十年爲子一筆掃

贈萬開遠

君家始祖從龍興驅逐元兵死不避繼之靖難姓名芳花園戰死報先帝交趾日本事遠征身沒洪濤兄與弟是時兩世守寡居飲冰茹蘖悲含涕人間正氣聚一門節婦有三忠臣四僅留遺腹一線傳扶持賴有姑一義嗣後三世皆鞠躬備邊不敢辭勞勩鹿園秀毓山川靈理學文章功業萃尺幅予家世珍藏飄然欲仙詩與字純齋詩律和且平千載唐人爭位次經學瑞岩啟後賢戰功復克光

先世悔菴名望斗山齊乃與我父深交契目傷風景悲山河抑塞騷壇同檣幟丈夫之子有八人周士荀龍難軒輕管村學博意氣豪翰苑出作五河吏道高名重毀謗興權奸加罪置死地君走萬里哭呼天日不飲食夜不寐贖金贖父父生歸歸後心魂猶惴惴君家忠節義門閭以君孝繼事乃備一卷冰雪自苦吟家傳詩學真不媿古今不朽事僅三孝子詩人君有二何妨四十披藍衫樂哉陋巷春風至

壽錢又起三十

我父與汝翁交情世所少二十我喪父賴汝翁懷

四明四友詩

寄軒草

十一

保入城必過我無論夜與曉每遇不平鳴慷慨呼蒼昊籌畫天下事智畧非纖巧追隨開茅塞樹立方稍稍十載隔幽明言及心如擣汝之兄弟賢具慶貽謀紹汝亦爲饑驅奔走長安道長安名利區雜處營一飽汝見豈不知無長卽立槁我年倏五十萬事無一了頭白不再黑眼昏不再瞭汝今富歲月繼述幸及早白日易蹉跎母謂三十小

越王臺

夫差恃強吳視越真小醜越以智事之囚縛甘俯首歸來棲此山君臣謀戰守終據姑蘓臺威名震華夏明哲范大夫一葉五湖駕烏喙獨安樂廟古

荒山下。壯心空不已。跋來登將壇。青松覆青草。麥隴春風寒。俯臨碧流去。仰觀紅日殘。

過子陵釣臺

初上窮黃海。重經探武夷。廬山仍獨去。不負十年期。索句捫碑石。臨流想釣絲。三過無別事。公外復誰知。

開先寺瀑布

看自空中落。應從天上來。如龍藏首尾。爲客洗塵埃。雲喜風吹散。山驚劍劃開。千秋流不盡。試問幾時回。

訪陶淵明遺宅

四明四友詩

寄軒草

七

先子愛陶詩。直接三百篇。生彼晉宋間。高尚乃真賢。語我先侍御。行部嘉靖年。首訪清風橋。名易柴桑傳。於今二百載。我上匡廬巔。芒鞋尋栗里。得得來橋邊。斜陽照石碑。巍然立陌阡。爲之徘徊久。但見墟里烟。破屋聚族氏。千載猶未遷。因而登其堂。儼若公在前。問昔有醉石。云是公所眠。賢哉其子孫。引我歷園田。巨石橫岩壑。喬木蔭飛泉。攀援登其上。字畫都不全。便欲覓一醉。杖頭空有錢。我想公生平。彈琴原無弦。倘得公真意。醉醒奚別焉。羊牛下坡頭。飛鳥歸暮天。南山凝蒼翠。我見亦悠然。坐簡寂觀六朝松下。

簡寂觀中坐寂寥庭前雙柏無喧囂舉頭瀑布濃
陰裏猶有好鳥鳴交交出門急上禮斗石老松前
路來招邀先有一二迎風吼已使我意凌雲霄况
手婆婆入九樹兩眼望去姿致饒我欲細細觀其
妙趨來避日坐小橋或盤百曲故團結或橫百尺
舒枝條或於頂頭覆青蓋一枝忽抽脚下搖或於
天上露禿幹于枝倒垂地邊交或竝兩株相遜讓
或枯一半反妖嬈或有萬株都上蠹或有一樹皆
斜飄誰云詩句可以寫雖有畫筆安能描此松此
松亦一木竟克長生留六朝人生豈不靈於物滅
沒如同夢幻泡事無可奈多較量母乃徒自煎脂

四明四友詩

寄軒草

七

膏秀峰門前松幾樹云是佛印親灌澆山中之松
兩奇絕吾將溽暑消洪濤

大林寺憶岳公

雲鎖高峯一草堂我來細雨倍淒涼千年寶樹參
天立萬朶名花滿地香春色尙留司馬徑道風深
憶岳公場岳公雅髮於此欲知死後神依處太白匡廬試
較量

水竹居看五老峯

五老坐天半雲霧隨其身後觀不靈動側視無精
神端居當水竹面目始得真我見五老容蒼翠無
纖塵我知五老心寂寞甘千春此老誠賢至媿我

非佳實

彭澤阻風三日爲僮僕解愁

在家原欲學舟居借此舟居意亦舒看去兩峯皆
妙石買來三頓有鱗魚苦吟客路吟成句細讀生
平讀過書眼底胸中殊不惡小孤山下筭吾廬

訪太平別駕仇學周不遇

嗟予慳晤君一面恨君未見予一詩予詩面目廬
山在真假非君孰辨之一卷携來復携去讀與江
心采石知

仇漢松移樽太白樓卽席賦長句

謫仙久矣騎鯨去采石徒存太白樓一塔懸空浮

四明四友詩

寄軒草

古

水面孤松橫翠滴窻頭青山古墓千秋恨白日飛
帆幾片愁今夜別君應不寐欲邀明月醉扁舟

焦山

金山一山屋焦山一山樹金山之樹屋外留焦山
之屋樹中露曲徑能遮日色陰高樓漫使風聲度
登巔曠心神臨涯足幽趣一江流無窮雙峯立如
故

六月二十七日寄軒早起看月

睡醒開南窻月照前軒瓦愛彼一鉤懸披衣到軒
下引頷豁雙目平旦欲自寡聲亂隣雞鳴韻遠寺
鐘打歎息非廣庭爽朗同曠野卽此亦足佳立久

露華灑樹影無參差誰是同心者

四明四友詩

寄軒草

五

華灑樹影無參差誰是同心者

吾嘗患世人真氣日漓無一事不出於矯飾不揣
綿力思有以挽之故四年來承乏五水周旋上下
間惟以任真爲主雖緣此受侮勿卹也今夏兒子
承勲歸應歲考携鄭生義門詩一卷來爲言其人
真樸無他嗜好義之所在奮前不復回撓其爲詩
如其爲人吾閱之果然因念吾之抱璞以行於世
屢爲人所凌鄙顧影自憐嘗有倡予和誰之嘆乃
今忽得之於義門夫義門爲吾執友禹梅主政之
子吾嘗許以女字之則固丈人行也於屬爲最近
十三年不相見吾不知義門作何狀顧能彼此不
謀情乎意浹同出於任真如此千里比肩百世接

四明四友詩

惟真集萬序

踵天壤間有我復有義門則真氣又何嘗一日漓
乎嘗慨俗下人情當其困頓爲諸生義理滿口以
古人自期迨漸亨於遇卽漸遠於道苟至都崇顯
享豐溢則漸滅盡矣若夫華胄貴游之子其就於
聲色貨利蓋自少至老無一日易也義門方孩提
之齡主政卽鬱起爲孝廉接副使公之後以文章
重海內近歲陟上第讀書玉堂名譽尤足聳人於
此稍不知自愛鮮有不爲俗情所搖者而義門識
彌高操彌謹敝衣疏屨揭揭於灌浦西壩之間見
之者幾忘其爲貴公子焉則任真難而義門之任
真不尤難耶雖然學無止境不進卽退吾行天下

三十年見有初爲奇士而卒蹈恒蹊者矣有始附清流而終歸庸劣者矣用是齒及始衰猶兢兢日憂失墜義門今猶未壯其愼母以前之任與爲可恃始信與吾有同心也夫夫氣足者詞自充吾雖未及言詩而所以爲詩之道不外是已義門其勉之康熙辛未鵬八日契家老友萬言頓首書

四明四友詩

僅具集萬序

南谿子九世祖善詩祖若父世其學弱冠竊吟館塾間祖若父不之知初不授以詩之法稍長出門有崑山採石及雲間遊二咏爲南雷所見語祖若父曰筆氣好可學詩二十有七歲辛未以前兩年所作呈管邨欣然序之以一真字許且勉後一年以辛未所作呈湛園亦許以真又後一年呈以淮遊得句許如前再呈南雷評曰就目前景色衝口而出一切虛浮粧做剗削無餘其合處不減誠齋不合處不免於稚然誠齋亦多稚筆此固不妨獨是誠齋累變而後成家義門從此亦當變化不守一轍趨於深細而後三唐之門戶可入也夫一切

四明四友詩

僅真集白序

虛浮粧做剗削無餘者是亦言其真也然變化以造於深細勢不能舍却三唐別求門戶一有摹倣則又類效顰有志者所不屑忽忽十餘年老成凋謝祖旣云亡三先生亦不可復作父在而右瘞言蹇間有所請不敢瀆同志若北溟遠居蛟川百里外西郭衣食於奔走相見絕少東門雖時時過從然懶性蹉跎不能壹志與之磨礪於是三子者皆各有以自見獨南谿子不敢詡詡焉相逐以爲有得其自問而不至於失墜者僅此一真而已矣四十有五歲己丑偶有四友詩之刻因痛刪其前之所作而題之曰僅真集嗟乎南谿子之詩殆無有

成家之日矣嘗見古來作者莫不苦心有所取法
今南谿子胸中不知有三百篇無論漢魏何況三
唐而僅率其一真孤行於世此不過如天之風地
之籟萬物自然之竅隨響隨滅已耳何有於變化
何有於深細其安能遠承九世祖之緒近紹祖若
父之傳而副三先生之望於九泉乎恐東門北溟
西郭三子亦終且相與擯而外之矣康熙己丑立
秋前十日南谿子自題

四明四友詩

僅真集自序

一團真氣獨往獨來於尺幅中此三百篇真派徒以香山放翁相許者未可許爲知己昔蘓子瞻評陶元亮詩謂外枯中腴中腴者真之至也要之外本不枯所謂絢爛歸平淡耳弘濟詩人間樂事誰能及祖唱孫酬共一樽以此讀義門之詩觸處皆天機洋溢矣壬申春暮姜宸英題

讀去似得之天分非關思索細玩其裁製之密迴幹之工卽景生情離塵入妙非苦心於此道者不能也彼僅以皮毛相許位置君於劍南荆谿間者願勿受之癸酉初春日同里弟姜宸英題

又云一字一句性真流露鍾記詩品每人必推其四明四友詩

僅真集姜題

淵源所自若此之以性情爲風雅不必名其派別要不失爲三百篇之遺也

南谿僅真集目次

哀姑 大堤海雨龍傳 幽蘭

春行 春風草林踏長 七尺

秋月 二首 九日郡邸

寒夜書懷 生朝

感懷 將遊淮不寐

平橋 寄呈家大人

贈明侍御闔熊石兒 金山

岳林寺口占 十洲蹟

王烈婦

黃別駕署齋晤毘陵薛某有感

四明四友詩 僅真集目次

偶題 西湖

織塵 悼南雷先生

題枕 嘲舟子

謝漢倬北城別業 贈金介山

送人遊粵東

展高外祖明都督施公墓拉西郭同往

寄陳莘學 題陸鈇俟望雲圖

哀金介山 二首 哀范稼軒

題范希聲蕉林讀易圖

題羅大尹祈雨鼎新潭圖

西水挽金介山示其弟子尤 二首

送僧寓谷歸翁洲聽雲山肄舉子業

思親山船

康樂泉天竺山居漫興二首

示武林諸友

同馮山公王予揆虞季陶吳寶崖金小鄴

吉柴陞升沈厚餘再集吳尺鳧皖輪瓶花

諸君擬俟南巡疏請開科

攜妾歸南谿畱別武林同學

陞升屬題舉觴白眼望青天圖

臘八日招同沈斐英范質夫吳尺鳧復過

四明四友詩

僅真集目次

二

湖上

瓶花齋嘗蓴羹

和晝公歸來菴落成二首

姚江旅次舟過赭山

大母葺年陳緘菴編修枉吊

吉祥禪院前石巖花樹歌

後石巖花樹歌贈陳摩蒼

題徐芷水課子圖雲林堂贈僧旅亭

吳門晤雲間周策銘軒三有感

中竺雲林堂同張韞山謝北溟楊東崖二首

榜發同北溟被放時留杭為西郭餽口計

聞東門飄然赴武夷矣

送吳寶崖赴京師

僧青菴介愚挈其徒輩介東門速家君銘

晝公塔

陳山學將入閩同錢在德夜過半生亭話

別

送沈子翼遊桂林 嚴君病瘥

送南田遊京師

東門韞山漁山夜坐半生亭待煮豈熟

南樓雨望

南樓夜坐

謝東門韞山漁山題先濮州冊子

四明四友詩

僅真集月次

三

禽言三章 畱東門韞山漁山

上元前四日東門面墻草堂咏梅

和韞山東縣嶺上偶作

登伏龍山 畱宿金仙寺樓

出柴門

侍家大人同東門出遊

禹穴 南鎮

玉泉 萬松嶺

覺苑僧樓雨夜 龍井寺

虎跑泉 西湖觀燈

歸舟候潮七里灘 漁山四十初度 二首

初秋金山寺樓表出天童寺藏閣

南山塔院
阿育王寺放光松

山遊辭家君先歸

東門韞山漁山冒雨過訪

文山吊家古隱處士墓

西江送秋同東門韞山漁山

董南田遊吳過別

寒食後一日東門東籬韞山漁山過半生

亭雨霽夜坐

半生亭同東門東籬韞山漁山看月姜友

棠至

四明四友詩

僅真集目次

四

遇虎嘯僧泉聲於天童下院二首

東籬招飲鶴鉞軒

穀雨前二日同人集胡鹿亭侍御寶墨齋

賞繡毬花

農歌十二首

五月朔日同漁谿韞山西阜過東門新構

寄軒留宿

次日東門復招同胡鹿亭侍御屠達菴中

山翰張鄂山大尹暨令姪東籬都督飲寄

南軒

學使者彭方厓先生

寄軒秋蕙

九日橫山橋梓留宿大椿堂

西江送秋同橫山達巷

舟過半山不得訪鐵夫

山陰歸舟

侍家大人宿寄軒

雪竇妙高臺二首

妙高臺五更聞鐘

題下隱潭

飛雪亭故址

東阿谷山夫塔院

小憇入山亭

先大父墓示栖霞

觀阿育王寺舍利示栖霞

臘八日送栖霞歸近谿二首

四明四友詩

僅真集目次

五

永明寺鐘樓再送栖霞二首

伏伏

東阿谷山夫塔院

觀阿育王寺舍利示栖霞

臘八日送栖霞歸近谿

永明寺鐘樓再送栖霞

舟過半山不得訪鐵夫

山陰歸舟

雪竇妙高臺

題下隱潭

南谿僮真集

慈谿鄭性義門著

哀姑

哀哉我姑氏我哀胡有已哭姑本無益自不知何
以去作聞氏婦十五年伊始一子弗克畱蒼天虐
至此有女年十三發痘卧未起但聞已易篋弗獲
見母死嗚呼人之生誰不一夢似他人夢猶佳我
姑夢亦否生時任百勞歿後孰奉祀瞑目又何求
夜臺先尋子

幽蘭

逢春壓雨未能開陰處移將日下來却恐開齊香
四明四友詩 僮真集
欲盡須臾還復寘墻隈

春行

青處青青黃處黃野桃隨路着紅妝春行似醒還
如醉雙眼明兼兩鼻香

七尺

七尺寰間罕自由世途荆棘又戈矛遭逢命亦憑
天造消弭權還卽我求斬舊時根方立腳了生涯
念在從頭來來去去渾何碍獨玩滄江早暮流

秋月

不識何年設六丁夜來便把玉盤擎天公也費經
年力磨到秋來始極明

明極還嫌內障多人言大地有山河誰知斫去闍
扶樹寶鏡千年不用磨

九日郡邸

祖毫誰人晉菊觴持觴作客意旁皇若將京邸兼
遙憶三世單身各一方

寒夜書懷

歲晏天寒雨雪中黃昏愁對一燈紅老親兩月音
書斷獨子經年計晝窮京邸艱辛疇復念家鄉寒
儉畧相同菜根敢說無長味難進高堂大耋翁

生朝

人間似我生原狂忽忽悠悠廿七年念昔安能知
四明四友詩僅真集
此後撫今只好譬無前四方何日酬懸矢一職猶
然忝力田早起手拈香一瓣加餐兩世祝蒼天

感懷

似網塵埃未轉頭如輪節序又驚秋三年薄債淹
親宦一室奇窮詘子謀正月繁霜降隴邑江南霽
雨到京郵災祥不預林泉事無奈林泉亦孔憂

將遊淮不寐

自顧昂藏七尺身生涯豈屑患飢貧淮南千里將
行者堂上高年待養人長夜不禁多寤醒空牀誰
與訴酸辛旁皇展轉殊無計難縮京臺問老親

平河

衝塵歸去小寒天
頽僕疲驢苦不前
凍水驅人三日走
茅家欸我一宵眠
朝來路出臨淮郡
臘到心驚欲暮年
旅興蕭然何處寄
平河畱別有詩篇

寄呈家大人

謀耕廢學已多年
菽水仍虧大父前
似此孫何曾足恃
雲霄歸興定幡然

贈明侍御閩熊石兒

時就養令子奉化縣署

峻門禹穴子陵臺
歌闕招魂萬古哀
此恨應緣消不得
重今臯羽浙中來

岳林寺口占

鄂山進士高軒至
布袋禪房大座增
樓上鐘鳴來

四明四友詩

僅真集

三

縣令門前刺到出
山僧齋行餓罷人
爭飽舟發潮回客
共登歸路獨携幽
典去金沙灘落水層層

十洲蹟

十洲西廂冊繕寫
滙諸體神品世所希
裝裱極華美善買
不可待藏之固其理
此物何自來有斯張
氏子憐我貧出遊
謁人乏贄禮我携歸
江邨晨夕出玩視
念爲知己贈奚忍
輕擲此造物默見
忌使我貧徹髓
嚴親宦遙京西曹
冷無比邁年祖
父母侍養缺甘旨
持此欲獻人計出
不得已兩載客風
塵獲禽遇難詭
嘗遭兩足刖抱璞
同卞氏今夏逢
旱災入秋兼大水
荒稜慘心目田園
直如洗有司

匿不聞君門隔萬里村家二十口難免飢餓死奉
川令熊君家君忝年誼踉蹌往投謁繙閱獨驚喜
一朝蒙見收奇珍獲知已解斐遺白鏹足買二石
米

王烈婦

奉川南有連山鄉萬竹王家一烈婦恭簡門風素
清白一腔熱血鍾寶婺昔年大兵勦四明角聲所
過村村怖婦借其夫匿不遠自知身是遭鷹兔還
念未嘗生一子夫身重大關宗祚夫若不免我何
爲况我終亦懼此暴我將與夫兩俱死宗祚誰人
可托付口言手復持針線縫密衣衫及襦袴須臾

四明四友詩

僅真集

四

大兵已逼身婦乃從容出相諭諭以汝曹欲得我
須活我夫我乃去兵憐其色脫其夫夫行旣遠忽
嗔怒大聲疾呼曰殺我翻身墜馬岡頭仆兵重加
憐勸之起曰從我去安且富婦益大罵躍崩崖頭
顛觸石血淋注兵因被給深恚憤斷頸絕脰剜兩
乳夫則存兮婦已亾玉焚花萎在中路深林豈乏
猛鴛貪遽有神靈來呵護翌朝夫尋得遺骸收之
歸耐恭簡墓婦死年才二十二順治辛卯仲秋序
垂今四十有三年曾無一人爲揚譽國家令曰重
節烈坊旌史表多繆誤得之非由勢酸家便屬金
多者賄賂我知烈婦惜幽芳納汙之地不屑與

黃別駕署齋晤毘陵薛某有感

我家僻海隅生，平寡交識骨。鐵面成冰與人，不相入。戊辰客蘓臺，邸舍勿輕出。適逢家宣成，叩門叙叔姪。意氣軼時輩，古道照顏色。盤桓浹旬月，不覺同膠漆。已巳春夏交，訪我甬江側。話舊閉柴荆，清風諧篇什。月餘遽言歸，送之竹浦北。江山日綿邈，忽忽如有失。魚雁雖時通，謀面不易得。轉眼辛未秋，玉樓聞降敕。我嘗悼痛餘，咎天何太急。宛平黃君某，別駕明州城。招我署齋飲，有客庭前立。云自毘陵來，方山其一脉。實與家宣成，中表素親暱。曲折十年事，未語淚沾臆。

四明四友詩

僅真集

五

偶題

昨朝蒙絮袍，今朝披單衫。人情胡乃爾，視彼天涼炎。
午前日如鏡，午後雨如幕。天道或固然，敢咎人反覆。

西湖

一事吾生深扼腕，西湖落地是杭州。遊人只道繁華好，逐隊歌臺又酒樓。

織塵

寰間何物作織塵，寄傲窻頭敢溷人。着帚便從空際起，隨風忽落室中勻。網張四面誰能避，魔逐三

生不用嗔直恐蓬山閨苑內軟紅鋪展亦成茵

悼南雷先生

石室無棺不裸身非楊非趙亦非陳九泉心事容
誰白譽訕千般總聽人

題枕

自怪惺惺三十年此中却有黑甜天一食上帝寧
嗔我祇乞人生幾覺眠

嘲舟子

半簞安身望豈奢篷艙却是最能家生來腹比劉
郎大足不嚴光也得加

謝漢倬北城別業

四明四友詩

僅真集

六

北海濤無至茅軒相傍開只聞窻際滿不到席邊
來閣筆茶三椀囊琴酒一杯與君終日坐此已是
蓬萊

贈金介山次東門韻

堂與今朝肯盡開客心戀戀懶東回忽聞君藉楊
齋李大快我如歐得梅仄處誰人知脉絡翛然獨
自吐丰裁早隨兩世擡雙眼領取清風此一來
山介
寄家大人詩云人人自負據詩筵那識誠齋是謫
仙才到誠齋猶不識誰能擡眼看編年又自註云
劉後邨謂誠齋天分也似太白編年介山詩集也

送人遊粵東

知君十載欲相尋祖堯身單懶到今良友江臯同

挾刺清秋帥府一抒襟親年垂老偏爲郡吏牘深
文恐廢吟今日祇憑君去粵南天少慰望雲心

爲西郭高祖
瑞岩先生友

生先

展墓出江邨携君遠郭門知爲先世友肯共外家
孫撒飯無鴉集畱錢免犢躑餽餘聊一醉桑海不
堪論

寄陳莘學

世病入膏肓扁鵲術見廢普天不可藥况此郡縣
內俗吏氣方焰良吏道方晦治民先獲上聖訓固
當佩時趨競逢迎賄賂莫慚穢矢口及明誠置之
四明四友詩

僅真集

七

腐陋輩以此俊民膏曾不稍知悔隣黨仍弗周何
怪遭詬諄陳君令漳浦地饒人多愛誓行平生志
肯俾家學壞祇汲清漳水朝滌夕復漑上官怒腹
田一旦被汙萊逆譴或頻加順受益自艾親舊不
能諒傳聞頗奇怪空囊致重忿鬼蜮變態豈知
太陽明寸陰掩何碍家君刺高涼本爲祿養逮不
肯自非薄立政期三代國脉與天和培養意有在
事人惟直道媚灶耻逐隊歷官常耗捐經年黠訟
殺餘俸不足分所識亦怨慙陳君幸勉旃曉曉任
衆喙

題陸鈺俟望雲圖

日戀重闈黯自傷白雲萬里渺南荒看君負米臨
安路尚是他鄉望故鄉

哀金介山

十年剛得慰相思尊酒論文永訣時萬里泉臺雖
有伴浙西此後竟無詩

介山最契楊誠齋

截句郵筒補送行高昌遼遠荷君情誰知未草編
年序洒淚先須作墓銘

介山有送家君之高昌詩
併求作編年集序

哀范稼軒

辭我嚴冬病亦微凶音千里是耶非同人相見休
相悼只作延津客未歸

題范希聲蕉林讀易圖

四明四友詩

僅真集

八

大易誰堪讀蕉心剝始織高明不畏子畏子在沉
潛

題羅大尹祈雨鼎新潭圖

龍本水族一物耳蠕然詎足稱神靈江南民俗何
日始乞霖往往龍焉憑君不見昔者神農聖人也
嘗別五方之色象其形舞之亦不能必雨曝骨焚
山窮伎能又不聞成湯遭旱作土龍七年無補身
爲牲桑林一禱雨千里陰陽感格惟精誠三韓羅
君才無匹英年割雞來慈邑下車歲早民倉皇禱
及鼎新綠鱗出雲師風伯須臾會散菽隨人處處
給人人喜雨頌羅君羅君不有同蘓軾繪圖似欲

歸之龍西與千秋作紀述吁嗟乎龍苟能雨胡不
雨必俟羅君一拜揖

西水挽金介山示其弟子尤

獨向西塘一放槎彌天秋水厭羣蛙黃鸝竟杳三
春影惆悵嚶鳴趁落花

續咏編年更一斑幾回欲取一編還相逢空悼介
山死六載才來哭介山

送僧寓谷歸翁洲

心盟方外一寒泉寓谷相逢也夙緣可惜有家滄
海外西風便送落潮船

聽雲山肄舉子業

四明四友詩

僅真集

九

親病還淹子去家山莊數里直天涯兩眶白眼輕
科目一領青衫送歲華膝下不教衣製綵塲前偏
望筆生花濮州墓右秦川墓搔首箕裘重自嗟

思親

故業親教去揣摩山齋爭奈念親何在家定省安
能到隔面晨昏底自過野遍春花蜂競蘂山喬林
木鵲營窠眼邊耳際渾無興不覺書開又掩他

山船

小小山房似隻船船頭看欲出山然帆揚瞬息能
千里纜繫蹉跎惜幾年前輩贈聯期賈傳

開分山水韻靜
讀治安書一聯

主人題額拾蘓仙

山船二字余從
東坡石刻中摘

出
賜廻夢繞高堂去奈此春風浪湧天

康樂泉同東門限泉字

迢遞携君特品泉前身君是此山仙色嫌玉液猶
多白韻覺清風却少妍解渴不妨來便掬淪茶臨
欲去重煎樵夫箇箇能知味井上踟趺共小年

天竺山居漫興用香山眉山二韻

十日山居不出門此心何事更教分
淒淒秋曉三行雁渺渺江東一朶雲
詩句無聊成漫興科場逐隊厭新聞
梵家節近孟蘭會鏡鼓旛幢也自紛
東西南北男兒志不是親衰底憶家
壯歲蹉跎如轉轂生涯匍伏似行蛇
淺溪小雨新添水老樹微風漫落花
安得此中無少絆高眼直到日西斜

四明四友詩

僅真集

示武林諸友

諸君何事喜相邀我已頻年慣寂寥
親病幾煩門士卹家君病自巳卯暮春辛壬兩載間門
士陳相宜岳伯憲江沔洲相繼辱問祖魂獨
感相公招先大父之喪獨宛平半生落落難初合
一諾硜硜誓久要更願各爲名世學浙中人物宋

劉遙

同馮山公王予揆虞季陶吳寶崖金小鄴
柴陞升沈厚餘再集吳尺鳧皖輪瓶花齋
分韻得四豪時予揆新登賢書山公諸君
擬俟南巡疏請開科

傷心天下日滔滔，沮溺千秋豈便高。但見登科方
楸飾，如何下策只牢騷。作人啟聖惟公等，挾策匡
時自我曹。此際若還能俟命，行窩沒世亦人豪。

携妾歸南谿，畱別武林同學

年侵四十猶無子，締友何心徧八垓。好我人從吳
地得，宜男女自楚疆來。渾忘久客三旬過，快博高
堂一笑回。握手諸君偏刺刺，還鄉情事去鄉猜。

陞升屬題舉觴白眼望青天圖

玉樹臨風自皎如，舉觴白眼意何居。青天那管人
間事，不用擡頭去望渠。

臘八日招同沈斐英范質夫吳尺鳧復過

四明四友詩

僅真集

十一

湖上次尺鳧韻

客子無聊惟看雪，何得陽光再漏泄。心急直欲融
堅冰，不待東風來解裂。同聲况自故鄉至，乾坤萬
里無凜冽。錢塘一二好義友，瞥地相逢都傾折。乘
典衝泥出城去，那顧前途有覆轍。湧金門側放扁
舟，琅琅愛聽冰牙齧。忽然阻滯生意外，斷橋未到
篙師別。恨不袖椎重萬斤，椎破寒巖千頃結。沙堤
西畔酒家帘，搖曳飄颺明復滅。誓往從之酩酊歸，
迢迢騁步展齒缺。杯中莫問聖和賢，世間安在豪
與傑。身後遺名有盡時，生前多事空愁絕。雪作肝
腸冰作脾，萬種情緣消麴蘖。此意難與俗人言，一

朝偶爲知者說千秋之內吾四人西子湖頭臘八節

瓶花齋嘗尊羹

吳淞江遠湘湖近耳食從來識未真故事不知鹽豉用今朝始會季鷹神參差繞筋仍離筋倏忽侵唇已過唇風味西陵橋下好携歸我欲獻雙親
和晝公歸來菴落成次韻

憶我昔年曾過此此間亦是舊生涯晚雲日起終安泊青玉前橫不少斜
菴樓名晚雲其前爲玉几峯公嘗有南山青玉案畱與老夫大地誰人畱一窟空天無路現三义歸來便許公歸否先喚諸僧去淪茶

四明四友詩

僅真集

七

無何有處是公鄉太白山居幾度霜銘塔題菴緣不偶
且公屢乞家君銘塔以菴額屬題栽花接果興還長年當既老偏難老心已胥忘底便忘我若茅牀容假寐蓮蓬事業正炎黃

姚江旅次用前韻一首

月明篷口風輕帳睡抵姚江水北涯一道潮流穿郭去千間坊舍倚城斜侵晨獨醒眸初豁得意閑吟手自义何事炎天來客此雁泉往汲快烹茶

舟過赭山

還蟬聲忙古渡日影落西山半月風塵客扁舟此際

大母期年陳緘菴編修枉吊

大父三年大母期交遊慰問海天誰齒長賤子名

還掩骨立嚴君病未治相國九泉增感歎宛平相國致誄

大父今已歿矣史官千里共傷悲他年畱作荒邨話浙水

門生易水師 吉祥禪院同東門漁谿韞山宜槐限韻

禪悅槃阿才共出吉祥絕巘又來登不知大地歸何處試看青天隔幾層投宿一空山上米題詩頻徹佛前燈放狂故態除難盡驚倒深林太古僧

前石巖花樹歌

吉祥高岡倚天半陡然直上行腳倦僧龕寺老世

四明四友詩

謹真集

三

界古同游未免多嗔怨中有石巖一怪樹婆娑獨立在庭院餐霜飲露數百秋終老空山何人見來遊初不知有此瞥地相逢發長歎可憐斗大院中天枝蟠榦曲蜿且蜒密葉青青百萬錢自作姿態千般妍歲逢春去花空然龍潛不飛飛何年我來獨作金石訂諸君力疲不能認再三指點與周旋乃俱拍掌叫絕勝半生亭前頗清寬栽花數載未成觀我欲移此博親歡中間築臺高如冠亦姜豈羅爲我籌寅伯宜槐爲我憂懸岬絕壑道阻且修瘳田二頃歲已無收爾非能鑿棧開閣通蜀馳馬牛又安能如花石綱海內奇珍都羅搜五丁力士

不可得徒倚盤桓空太息

後石巖花樹歌

胸中寬眼底濶殊尤何曾見芥蒂何曾設鶴林杜
鵬高丈餘花開九日亦浪說胡爲吉祥一石巖目
擊流連不能忍前歌情已摯後歌痴更絕瘠田二
頃賣一項半酬僧寺半運物尚有貂狐兩輕裘欲
勸家君將愛割茅山道士夙善巫遣使聘之致鬼
卒明藉人工暗神力怪樹可遷險可奪一朝闢蒿
萊三冬謹護培來春花發時親顏何如開冥中一
念發展轉殊難遏夜來天地神鬼驚疾風怒颯噴
狂生詰朝出山身欲傾僕夫逡巡不敢行吁嗟乎
四明四友詩

僅真集

十四

天池之上蔓青藤千秋海內揚芳名此樹甘老空
山坪與人無患世無爭君不見青藤百年幾易主
昔日稱奇今死矣

贈陳摩蒼

西郊開遠外夙契一摩蒼文筆天機妙襟懷世故
忘窮憐先志抑令祖達望後名揚幼學吾慚汝
何須泥輩行

題徐芷水課子圖

人惟須有子有子課何須君未平觀我辛勤繪此

圖

雲林堂贈僧旅亭

一入雲林眼便青故人方外好忘形來逢筍蕨山
炊熟坐覺塵埃客夢醒自視已堪同出世相看却
只賀添丁明朝早撤溪邊地聽我秋來築旅亭

吳門晤雲間周策銘軒三有感

昔者家宣成借我汎谷水獲從兩君遊因緣實長
史剪燭華鄂堂嚶鳴締十子爾我皆英年意氣靡
津浹造化太無情一別生兼死黃梁炊未熟青磁
夢伊始宣成安在哉長史長已矣我質乃匏瓜浮
沉久閭里湖海祇兩君聲名日愈起萍跡姑蘓臺
感懷集悲喜

中天竺雲林堂同張韞山謝北溟楊東崖

四明四友詩

僅真集

五

用香山肩山天竺寺韻

幾度尋山出郭門春分在眼又秋分半生滾滾溪
中水萬事茫茫嶺上雲挈伴兩三還有興安心四
十竟無聞莊生總不周公夢蝸角弔他各自紛
西子湖西山舍好諸君莫認作僧家一空早遣心
中馬三醉還拋袖裏蛇乘興閒行談往事滿庭明
月照秋花香眉二子今何在坐憶題詩燭淚斜
榜發同北溟被放時畱杭爲西郭餽口計

聞東門飄然赴武夷矣

潦倒名場已八科北溟歲月等銷磨可憐親老承
歡少惟見朋賢失意多志士一瓊終落莫達人五

岳不蹉跎我今歸向江邨去竭力耕田懶計他

送吳寶崖赴京師

寶崖吳子性嗜酒一飲須臾傾數斗年年三百六十日醉鄉之日十八九典酣耳熱百感生灌夫罵座時時有四十餘年遭俗棄著破青衫頻見肘南巡輦下偶賦詩調堦清平播人口一朝檄入長安去酒家到處眠能否君不聞唐時學士酒中仙子呼來不上船

僧青菴介愚挈其徒輩介東門速家君銘

晝公塔

晝公竟長往塔草半年青良友携諸弟高堂速一

四明四友詩

僅真集

二六

銘祇看今激切難忘昔丁寧何日堪鑄石焚香讀與聽

陳山學將入閩同錢在德夜過半生亭話

別用東門送行韻

夜半半江邊荒邨睡宵然樓高圓月小院靜翠微鮮客降如天上愁生忽眼前東臯猶室邇邇矣入

閩船

在德家東臯

送沈子翼遊桂林

不覺生愁感中庭發浩歌兄亡餘弟在面少倍情多西粵千程去新秋一旦過宜男君最亟蠻女問如何

嚴君病瘥

莫療嚴君病，今宵竟霍然。良方惟白虎，默佑是蒼天。秋月轉和悅，庭花爭笑妍。參苓從此進，應可卜長年。

送南田遊京師

慷慨論心二十年，鬢眉事業總茫然。南谿已自耕田力，天下蒼生賴汝賢。

東門韞山漁山夜坐半生亭待煮豈熟眼韻

種豈傾離次第收，落莫不嘆亦自由。諸君暇矣來能共一味時哉，飯好畱炊緩，荒厨容鈍僕坐闌昏。四明四友詩

惟真集

七

夜逼深秋邨家猶喜多清供，老桂天香已過樓。

南樓雨望同東門韞山漁山

好客將行得雨畱，題詩還與上高樓。秋山沙渺不相見，江水滔滔祇自流。觸目芳菲均惋惜，憑闌光景獨悲愁。當年此地人誰共，祖耄孫童日唱酬。

南樓夜坐同東門韞山漁山追懷大父眼韻

空樓十載無人埽，淚洒杯盤此一宵。秋雨淫時花氣濕，先靈棲處燭光搖。當年心事悲桑海，沒世光陰溷牧樵。舊友追談新友問，音容儼若已寥寥。

謝東門韞山漁山題先濮州冊子

堂構垂今猶翼爾衣冠念昔竟茫然剛餘顧陸丹
青在賸有蘓湖翰墨傳公詩文止遺教授臨清兩年所著冊子裝
成增感愴友生題畢與畱連葵山事得潛溪序魂
魄猶能慰九泉

禽言三章畱東門韞山漁山

泥滑滑風不發潦雨澀秋花江天爛八月爾旣來
去不得泥滑滑爾無翼
行不得哥哥哥行可奈何秋水漲沒泥塗有蔬一
盃酒一盃每乘醉後相歌呼此樂人間無哥行將
焉往

不如歸去我不爾語匪我多情不教爾去天如晦
四明四友詩僅真集

何曾曙雨不絕歸何處爾不我信歸去歸去

上元前四日東門面墻草堂咏梅限韻

勝事東門近若何寒梅開未上元過檐頭墻角交
橫處柳眼松針映帶多一種冰姿原自冷初春風
日不須和南谿別塢君知否傑樹繁花俯碧波

和韞山東縣嶺上偶作次韻

堪輿本陋術好者見何偏城東有撮土細流繞涓
涓樹色頗鬱蔥草意亦綿半邑中一舊族適以葬
其先形家每過此歎息造由天不知古今來其運
也忽焉唐虞迄元明時代幾推遷盛者無不衰絕
者不復傳無論無萬載萬載亦朝烟我時隨俗口

指點當中田韞山發感歎嶺上頻回旋

登伏龍山

山聳海天孤桑田一望無路紆元有舉松矮不成
株支遁拋青竹蓬萊在玉壺伏龍何用起我意早
乘桴

畱宿金仙寺樓同東門韞山限韻

樓頭盼我意何頻滿壁題詩詩更新風雨未收方
薄暮湖山絕妙恰初春三年魂夢猶依榻一夕襟
懷不惹塵寺到金仙真福地齋厨涵潤總畱人

出柴門

輕輿裊裊出柴門晴旭和風襲體薰春社旌旗紛

四明四友詩

僅真集

九

陌路漁時鉦鼓沸江邨青山自課栽松穉野老相
邀酌酒温笑我何心爲稼圃半生淪落小人樊

侍家大人同東門出遊舟次赭山次東門

韻

春光恰初暮早潮方西流偕友拾芳菲扶親出林
丘渺渺水程迥鬱鬱山村幽揚帆乘輕風倚篷送
青眸恍如在玉壺又若登瓊樓明瑩一帶徹菁葱
四望收洪流飲新犢浩波泛群鷗忘彼世上機樂
此江東洲五湖皆勝地隨時可遨遊

禹穴

虞帝蒼梧絕可憐塗山玉帛尚畱連鑾輿竟不歸

安邑落照青松喚杜鵑

南鎮同東門限韻

峩峩會稽山南來卓天際蜿蜒紛衆麓互作盤旋
勢空谷結方鎮穹祠炫紺麗我因溯古初禹跡秦
皇繼及我今日來暮春值初霽山川何曾改天地
原不閉從斯悟文武未必勝幽厲山松夾道生虬
枝日色蔽老龍挺蒼髯清風爲搖曳其下可盤桓
緩步脫衣袂

玉泉

巖君四百里扶病爲名泉日影魚千箇潭心石一
卷廊廻頻換席餌熟各探錢似此真靈沼空明秋
四明四友詩
僅真集
辛
後天

萬松嶺

萬松嶺上一松無一代名垂萬代呼輦道忽看新
景象宮堦安在舊規模撫今可奈蓬萊淺憶昔曾
經雨露敷後視今猶今視昔或因定理不榮枯
覺苑僧樓雨夜感懷同橫山東門限韻

朱櫻初熟茗新時驟熬薰人雨最宜眼底鶯花春
夢杳燈前咲語夜眠遲三杯酌酌澆胸酒一局荒
唐信手棋世事茫茫只如此先賢浪說可前知

龍井寺

暇日閑行未肯休板輿展轉入山遊片雲無事橫

空嶺曲徑多情見小樓龍井一雙僧眼碧風篁萬
箇客心幽崖間多少題名者畢竟秦觀在上頭

虎跑泉用碑上東坡韻

早羨南山勺水香不趨炎熱儘趨涼烹來淪茗清
無比咽後迴津味更長荒落旁開空院濶幽閉上
蓋小亭方若教輦下人過此一滴吾知不敢嘗

西湖觀燈次陳緘菴編修韻

聖水君王在張燈作廣庭鵲花齊放赤螢火遍流
青照地翻嫌月章天懶看星夜遊今若此不獨古
人慳

歸舟候潮七里灘同東門用家君小食法

四明四友詩

體真集

三

相寺韻

小立蓬梢手自扶長年安卧少勤劬人間舟楫知
甓汝世上匏瓜笑是吾隨僕浪思逢利涉同儕無
計拔泥汙鄉關已近還愁隔歸去不如鳥亂呼

漁山四十初度聞同人預祝於東門之閑

閑閣用香山花下酌韻和寄

柴君亦四十弧辰初秋月同志競稱祝先期輿輒
發大火日未流一瞬落霜雪放步趨東臯奚惜屐
齒折維彼閣中人閑閑白侵髮炎時殊眇歡因君
成令節狂歌擊唾壺感歎應欲絕遙知此觴詠半
匪爲君設

側身視上天先集愁維蔽君年已強仕欲仕心如
箭潛龍道勿用守此莫遽變君子貴自強易曰天
行健不以華袞貴豈遂青衫賤愛君非砒砒瑕瑜
俱在面一眞成久契十載悵晚見盛饑不及與卮
言聊相勸

初秋金仙寺樓用壁上東門韞山初春見
遲韻

三春忽以邁九夏復驟過山樓逢新秋日月真如
梭樓前湖久涸土拆安得波農夫俱束手天道誰
調和目此心孔棘生涯遑計他靜言思舊遊好詩
故人哦揮毫一和之語語皆悲歌僧家有苦若不
四明四友詩

僅真集

三

可得良醒念遠莫能致如此獨醒何早魁未卽除
秋光將蹉跎

天童寺藏閣限韻

曠語紛紛厭五車佛家底事學儒家無僧叅問堪
舒眼有客來過好吃茶到檻晨風收夜雨漫山秋
樹欲春花笑他群螳鬼爭埓懶作元龍百尺誇

南山塔院限韻

重將金碧換茅茨密老歸山又幾時短偈爍然雷
電火穹碑哀絕鶴鵠詩

密雲師弟雪嶠

一生滾去終應了

萬念灰來可自持林下忽看天欲午墓門躑躅與

公辭

阿育王寺放光松同東門韞山漁山用南
雷先生智果寺松韻

南雷歌詩頌智果天下奇松居第一遂令我置阿
育王七千二百九十日而今再來一看之嚴君良
友客共七徑趨其下坐而卧山門一入不欲出霜
皮未滿四十圍黛色曾無二千尺兩三尋高十丈
寬鬼手神工匠意結伸者筋骨實舒紆屈者精神
殊縮瑟枝盡俯兮葉盡仰身若倚兮頂若失全體
蔽天類大蓋半面揀地儼疎筭蒼龍無首髯爪現
千萬蛟螭疇配匹我生未嘗出里間坐井安敢妄
甲乙家有盆松六十年愛惜偏遭豪駝嫉矯揉剪

四明四友詩

僅真集

三

伐虐太甚赤日流脂等膠漆須臾一命忽云亡悼
惜潛焉出涕畢因念此松自典午千秋珍重潛溪
筆寺運興隆數宋時南朝北向方稱姪莊嚴轉眼
半荆榛一樹猶存堪紀述感生哀死吾情真悲今
弔古吾言質俗傳放光誕且誣識見鹽雞與絮風
智果松亦未足誇阿育松亦不可佚

山遊辭家君先歸

老親一病未能痊林下棲遲竟十年事業詩文兼
字畫光陰花鳥及山川春和秋爽昇輿出僧寂朋
賢假榻眠慚愧紅塵兒泪沒追隨半道忽言還

東門韞山漁山冒雨過訪限韻余自郡暮

歸次和

江亭歷三時久不來朋好十月秋未歸猶恐秋歸
早秋江秋色佳田地長不埽趨然出塵瑤日與秋
傾倒懶覓典公梨奚美安期東一朝三君至各自
衾裯抱欲窮江浦秋擬續江亭草偶爾不相值延
欸煩親老中途心旁皇客畱恐難保踉蹌暮夜歸
爲秋主東道

文山吊家古隱處士墓同東門漁谿韞山
漁山限韻

石隱古風微天邊正落暉霜林沾客淚墓隴怯秋
衣江幻家無嗣山文魄久歸後人憑吊歎只見白
雲飛

四明四友詩

僅真集

五

西江送秋用杜工部白沙渡韻同東門漁
谿韞山漁山

秋光不可留送秋秋江岸岸遠匝霜葉江長貫霄
漢飄飄一漁舟拋網在江半既見不我招秋風自
相喚江西千萬峯日夕雲影漫黯然作寒色秋去
人亦散漠漠秋興闌茫茫秋思亂素交競長吟狂
襟獨浩歎

董南田遊吳過別用客春大椿堂秉燭看

梅韻周揆憲丘宜槐同至

老親避盜城中去良友遊吳江上過君自有才侔

李涉我如無地學詹何語言緘默新知少情事殷
諄至戚多春夜匆匆還秉燭看梅索和去年歌

寒食後一日東門東籬韞山漁山過半生
亭雨霽夜坐限韻

邨居每患獨客至忽成五香陳一甕醪旨供一盂
腐紛紅花種種細綠柳縷縷不數武陵春奚遜桃
源古韶華亦已令陰雨何太苦踉蹌陌上蹄戢息
林間羽遠望逃高樓近行阻小圃客心俱煩煎天
工自頑魯竚看雨斷絲條聽雷停斧來實我無權
止竟誰爲主狂吟足發聾霽月能開瞽值茲暮春
天樂此荒江浦前時憶巖寒深山間嘯聚家家不
四明四友詩僅真集

安枕夜夜常然炬殷憂幸稍寬歡娛宜亟補

半生亭同東門東籬韞山漁山看月姜友
棠至限韻

獨居罕佳興三春杳明月客在天晚晴歸舟不容
發世景日以促風流海內歇咄嗟此三五自盈還
自闕詩人姜友棠修髯挺瘦骨遊吟三十年歸來
多白髮升斗未能致我儕同淪没折簡招與俱告
我泥不滑傾尊一痛飲庭籬無餘核清光滿空簷
共此蟾蜍窟

遇虎嘯僧泉聲於天童下院用僧偉載送
行韻

隻眼何須洞六幽生涯我亦本無憂家園親老甘
淪隱岳瀆身閒屢夢遊汨汨塵途看世沒嚶嚶春
社喜僧求相逢細把名山問九曲烟雲咫尺浮
懸崖虎嘯雖奇勝卽此天童亦可家三載師魂餘
璀璨一朝春淚濕鶻花時艱歸去難拋鉢雨驟遲
迴且吃茶天意若容君卧穩年前底事出仙霞

東籬招飲鶴鉞軒同過雲漁谿韞山漁山
限韻

苦雨及深春時花鬱衆香倏忽氣蒸熱展轉風吹
涼撫茲眼前景蟋蟀匪在堂燕飲日爲歡寧不凜
太康我友李東籬好我不能忘招我開宿醞拉我
四明四友詩僅真集
同人嘗自嘆年五十未獲佩金章命軒曰鶴鉞待
時作鸞翔其遇何偃蹇其意仍灑洋終朝成一醉
達觀能自強

穀雨前二日同人集胡鹿亭侍御寶墨齋
賞繡毬花用歐陽永叔千葉紅梨花韻

寒衣拉伴來者誰南谿居士踪跡奇出門幾日不
歸去惜春尋春無已時繡衣主人曲院裏何人繡
出縞毬異冰雪爲腴玉爲骨壓倒千紅及萬紫麻
姑侍立風清處凡目仙眸總回顧瞥時驚喜忘春
深中庭躑躅愁春去至人意亦解留春醇醪傾甕
醺諸君諸君知飲不知他世上紛紛事莫聞紛紛

世事擾天涯。主人念國將辭家。家園延賞。今年
來年長安無茲花。

農歌

巖君致政十年餘。右瘼光陰尚著書。膝下一兒強
仕日偏誇善繼。在菑畲
小滿時光插早禾。荒厨特宰種田鷺。田丁鼓舞田
翁喜。爭似颺言與載歌。
三十徵庸作帝甥。姚家兒子是虛名。不如我也雙
親愛。竭力終身隴上耕。
千總捐軀帝使來。揭竿人繫百餘回。封疆打疊愁
千萬。學稼焚須獨少猜。

四明四友詩

催真集

七

白水青秧遠屋邊。種田時到各爭先。人心誰似農
夫質。一片機關只任天。
看他畝畝日沾塗。主伯心能惻隱無。勸勞祇須甘
苦共。采茶莫食我農夫。
不分五穀日周流。老死當年一孔丘。四體莫愁無
事做。江田正好及時耰。
甘爲田舍憂勤子。赧作公庭簡傲伶。就是西方人
復起。此生負未不橫經。
陋巷顏回守一簞。民飢此日本無干。萬鍾底向躬
耕祝。窮乏親知恐失歡。
三尺孩兒面。頗方形模。田字可相當。阿翁別少非。

常願賴汝千倉與萬箱

蓑衣一領換青衫。朋素相逢定不諳。却是邨夫真自在。騎牛童子日來叅。

落拓生涯竟習農。農家點檢得餘工。獨眠半日無人喚。窻外叅天兩樹風。

五月朔日同漁谿韞山西臯過東門新構
寄軒留宿限韻

落成先春分來遊。侵夏至城邨。違咫尺同心悵。異地新軒清且暇。主人逸而恣開懷。獨自吟閉門。終日睡釀花成芳。醪湘蔬得至。味身後無遙。虞眼前皆樂事。客過輒欲留。餐飽不須費。如斯寄一生。寔四明四友詩。

僅真集

三

間何富貴

次日東門復招同胡鹿亭侍御屠達菴中
翰張鄂山大尹暨令姪東籬都督飲寄軒
限韻

幽築因城不用山。復來留我肯輕還。浮生未必無千歲。廣廈何須更萬間。盤谷友人聊自適。竹林貴客盡能閒。若將身世從頭說。已向蒙莊見一斑。

學使者彭方厓先生

彭公中州一真儒。自矢慎獨爲工夫。衡文兩浙及三載。苦節初不求人孚。一心惟是憐才急。孤寒之士無方立。勢家空挾巨勢要。貴兒長抱雄貴泣。列

郡輿碑不足云四明目覩非傳聞苞苴盡屏請託
絕怨而詈者殊紛紛嘗觀試時公自厲葛袍疏飯
無他嗜事之則易說之難州邑供輸自不至盛朝
海滋人文多盈箱積案將奈何隻手披掄不憚勞
中林兔悉歸置羅成人有德小子造壯年弱冠何
足道榜邊競說好童生就中人有古稀老翩翩歸
袖携風清感恩多士相隨行屬員無禮役夫遁窺
公意氣仍和平性也兩試落人後不得怨公合自
咎高堂老疾日就衰舉業年來荒已久性曰如公
明且公不憂無報宸方聰公曰如此卽私意仰對
屋漏寧相容

四明四友詩

僅具集

五

寄軒秋蕙同東門限韻

兩盜風溪種閒秋竝倚墻花標能自挺節候豈愁
涼晚不爭春艷幽惟待日香時芳叢桂競落後爾
方長

九日橫山橋梓留宿大椿堂仍用少陵崔
氏藍田莊韻

三間直比萬間寬有客隨緣與盡歡塵世只應時
笑口鄉隣無用偶纓冠蘧蘧夢已莊生幻戀戀情
惟范叔寒堂外春秋原上古開身扶着老親看

西江送秋仍用少陵白沙渡韻同橫山達

巷

昔者桃花源紛紅迷兩岸其中卜居人自秦不知
漢今者我所居荒江號曰半深秋霜葉紅客作桃
源喚秋風日以淒秋潮日以漫霜葉難久留漸逐
行人散顧此不知樂徒然計理亂津迷莫可問空
發千秋嘆

舟過半山不得訪鐵夫同橫山西阜限韻
幾年夢想到名山曉履嚴霜準叩關一葉忽然無
路泊三人爭是未能閒遊行情興歸何處身世機
緣似此間沙上野鷗眠正著不知過客已東還

山陰歸舟同橫山僧栖霞限韻

朝名市利我何求携得閒僧到處幽千古興亡看

四明四友詩

僅真集

三

越國一生悲憫笑尼丘霜林葉脫秋長去水驛程
寬客漫遊世俗不知當日事祇傳興盡是歸舟

侍家大人宿寄軒同東門韞山栖霞限韻

老親愛東門若居勝已居而况日三餐絜粢羅嘉
蔬壁懸左筆畫額署左筆書先意歡我親孝養足
起予今時伊何時念值歲之餘宿宿已適適信信
更舒舒連宵旣安枕明發寧還車寒飈吹天空短
燭然窻虛良儕不能睡妙思發胸儲限以東野韻
和之我勿如我因我親老廢讀業耕鋤饒田穫秋
粒瘠圃畜冬菹奉親來至此繁惟承歡初親歡吾
斯慰他復何計歟

雪竇妙高臺

誰將一柱把天擎應是秦年鬼削成

妙高臺一名天柱峯四明

山一名鬼藏山秦時驛山塞海鬼神勞役奔入四明故云地展尋常容片席山

羅千萬拓層城偶然籟自空中過鷲爾嵐從脚下

生笑我四明家半世不知是處有蓬瀛

昇親挈伴躡崇臺百歲光陰幾度來猛虎魂空當

日伏臺左有洞爲知和伏虎處枯僧骨剩此間堆石奇塔於臺上無人

一到不稱妙萬念於茲可盡灰白日高春還坐坐

憑他世上擾塵埃

妙高臺五更聞鐘

未曉洪音出上方夢回天半一匡牀本來雪竇山

四明四友詩僅真集

中靜却怪閒僧打得忙

題下隱潭

山已到頭了瀑從何處來一泓鏡刷面千級雪成

堆天作巖如室人憑石可臺披榛衝險入得此不

空回

飛雪亭故址

何處亭飛雪何年共雪飛凌空一松樹還與客凭

依

東阿谷山夫塔院次壁間韻

有客來東谷春花不到扉山公眠合醒炊熟午烟

微

小憩入山亭

獨倚斜陽坐，崖間樹意青。客心山外逐，不見入山亭。

先大父墓示栖霞

墓在黃公墓里，栖霞有感賦詩曰：夙仰名因久。

今來墓未墟，九京如可作。何計更安儲，豈知先大父滄桑之後，石隱五十餘年，并不屑爲爲漢安儲垂老出山之黃公乎。

漢室定儲君，黃公何足云。桃源避秦者，沒世不求聞。

觀阿育王寺舍利示栖霞

不用推真僞，君惟仔細看。荒山餘顆粒，大衆獲盤餐。償酒誰能忍，聞鐘盡可謾。南雷休辯質，少爲佛

四明四友詩

僅具集

三

家瞞

微酒事載南雷舍利辨問鐘劉蘆詞事

臘八日送栖霞歸近谿

七尺泥中半欲埋，名場懶去作優俳。憑誰消得閒年月，世外因緣莫更乖。

親年高矣兒身賤，聊倩緇衣當綵衣。此念煩君長記憶，扁舟轉眼棹春暉。

永明寺鐘樓再送栖霞

臨別登樓更遶行，洪鐘手按不成聲。惱他一檻西風緊，吹得離人眼淚傾。

晚潮將退夕陽斜，終欲衝寒去上艤。請向樓頭仔細看，天涯何處是君家。

余書室在城之北隅面候濤而枕大海因自號曰
北溟取平日所爲詩而題之曰見山集余之居是
室也山光悅人陰晴變滅風搏潮汐近撼城闔日
援琴三弄而止悠然遠寄不知天地之爲大而此
身之爲小也偶有嗟咏多率意而成不求其工亦
復自喜或曰不工之詞無與風雅詩固可以苟作
乎曰不然余獨愧夫不能涵養吾性而盎然出之
耳若雕琢致飾以求工靈源不添一障乎今夫琴
雅樂也神不凝氣不斂而驟焉按之指下徽間格
格不相入使學操縵者專志以取吟猱注綽雖未
盡致要不同於世俗嘈雜惑聽之絲聲况學之熟
四明四友齋

見山集自序

一

而心與手應手與器一者乎况進此而旨淡於希
聲趣領於無絃者乎夫詩之爲道大約不離此意
近是陶公采菊倏見南山而欲辯忘言不啻千載
留此佳境以待後人之神遇也矣康熙己丑初秋
北溟自序

北溟見山集目次

不寐 宅山堰

新霽登千丈巖觀瀑布

探下隱潭 悔

八月三日雨中獨登候濤山

江舟 酬寅伯 三首

同萬開遠陳摩蒼彈琴笑讀居

義門別後寄懷 二首

和錢東廬喜雨 贈義門

自蘆山入慈谿城止大寶峰約王子揆馮

明遠偕至由慈湖書院抵姜家畧出經

四明四友詩

見山集目次

普濟寺小憩夜宿永明禪房

明遠予揆袁學至各携尊上清道觀馮敬

輿秦位木同行皆初識也暢飲至暮而

別寅伯及余西渡義門分途一醉渺茫

多不復憶

丁丑正月六日開遠逸老堂小集

同人邀萬管村先生集光溪在澗樓

次日遊宅山放舟高尚宅

題洪簡民却鵬圖

邵之文先生招飲書樓示前立夏小集之

北溟見山集目次 韻奉酬 二首

種竹 二首

月夜懷開遠 二首

劉鰲石過訪別後詩來次韻答之

四月七日題齋壁

維賢叔父和詩見示疊韻 二首

過面墻書屋梅垂二實寅伯摘以佐酒拈

韻共賦

次韻答張德符

七夕同張德符鄭義門柴上林陳摩蒼集

面墻書屋時寅伯卧病不出

贈育王韻菴上人

齋中向植小松客歲稿死易以宮槐維賢

四明四友詩

見山集日次

叔憶此有詩見示次韻解嘲

寅伯德符義門歷遊五磊達蓬香山諸勝

枉道入城見訪義門以展告急歸用其

途次原韻共賦

池荷始開大周叔有詩見投十五日集飲

諸伯叔父卽席共和小子不得復辭

篆客殷介持示登候濤山詩索和勉應之

贈張德符 二首

同薛貽孫沈德昭暨又文大兄子承子柔

遊靈峰山寺

溪橋晚坐

過育王放光松下彈琴

三首

薛貽孫招飲宗伯第西軒

二首

輓大周叔

四首

贈陳克諧

印千上人營礦自題曰太古方琴索余贈

詩言爲賦一絕

坐靈峰庄懷寅伯兼天岳長老時寅伯約

遊天童

維賢叔父寄詩郡中

薛君翰表叔招飲

四首

登候濤觀海懷墨跡

八月十七日同張德符鄭義門楊東崖宿

四明四友詩

見山集目次

三

中天竺山房用白蘓二公原韻

二首

九月五日見山書室疊韻

二首

維賢叔父七十

聞董亦弘計次日雪中買舟

哭亦弘

二首

張念臯汝賢昆仲招飲鄧山書屋

張志呂德符鄭義門柴上林同集笑讀居

歐冶古劍行

宿笑讀居

宿可亭憶亦弘作

哭維賢叔父

十一首

寅伯訂邀鄭寒村先生遊光溪九月十七

日入郡先生舟已早發乘月鼓棹至在

澗樓約三更矣寅伯韞山漁山玩月詩
方成索和次韻

宅山堰謁王公祠

同胡鹿亭張漁谿韞山李東門柴漁山張
念阜攜樽在澗樓壽寒村先生

二首

蘭江舟行過高尚宅懷賀秘監

歸途次寒村先生光溪舟中韻

未知

丁亥上巳後四日子應弟新植牡丹初放
余過看花適當招客大醉而歸率筆賦
贈未盡此花之標致也

四明四友詩

見山集目次

四

十九日再過看花疊韻

余旣以兩次看花詩示諸同志二十六日
子臨兄過我曰子以前此所見爲盡此
花之勝乎未也今衆芳皆萎有殿其後
者尤稱拔萃望之則玉砌瑤臺凌空縹
緲卽之則冰肌雪貌綽約離塵其肩隨
相倚也則姮娥素女騎白鳳而出廣寒
其修潔含春也則號國朝天却胭脂而
矜淡掃亟過相賞不盡留連復成三疊
薛園綠萼梅
靈峯庄遲朗然上人
拈花戲贈朗然

乞育王秋遠長老白蓮

吳尉罷官同萬開遠飲之候濤山

二首

園木

治圃

送傅公孝之粵西兼寄王如綸

次寅伯見待韻題閑閣詩草後

肩鹽老卒

賦得霜染江楓紫

同寅伯過鶴浦夜半渡江義門燒燭以待

已成長句次韻

開遠辭館過別

二首

分傳芑源千葉紅蓮

和開遠自題偕老圖

四明四友詩

見山集目次

五

喜雨

北溟見山集

鎮海謝緒章漢倬著

不寐

靜中消息得曾無
歷歷鐘聲到座隅
無賴百蟲喧
寂寞有時小雨滴
菰蒲完將日課如
追負守却匡
床真喪吾宇宙
不寬身不窄
不來不往自于于

它山堰

它山上水清如沚
它山下水奔如駛
十丈溪流斷
石梁當年相度有妙理
廻沙置閘鑿水痕
歲一挑沙尺許耳
邇來沙阜兩涯平
清泉大半落江汜
古人成則尚未湮
小小施爲艱似此
光溪十萬戶人
四明四友詩

見山集

家旱乾何以滋
耘耔我來瞻眺嘆
神功豈特谿山
美秀美當今
經濟作空談
一丘一壑吾所耻

新霽登千丈巖觀瀑布用王右丞燕子龕

禪師韻

一徑松林行遙聞水聲惡
溪流漸覺窮兩崖
盪危嶠飛泉奪路來
噴雪千尋落日眩
失離明功神豈
禹鑿平生想
匡廬今來疑劍閣
俯視恐墮巾
欲下難縋
索彩文鬪日光白
烟散洞壑游龍撼
林巒驚雷避
鳶鶴天地大
文章人間恣探博
欲去不忍去
旋止復旋作
擷彼山花投團空
無處泊我愧窄心
胸今日方開拓
讀書不名家
帖括苦縈縛
譬如溝

滄流瞬息將自涸古人如可追豈向本頭摸三嘆
轉山陰新陽正薄林高臺絕頂出下瞰白雲深

探下隱潭限楊誠齋謝張功甫韻

探奇問俗真語冰猛往不憂具不精曲曲嶽寄步
步拙白葦覆身望成雪豁開洞口境始幽崩雲哀
瀑神鬼愁高壁削成大磐石仰望正似臨危樓行
過峰頭十失六直到潭窮圍石屋侵肌非雨亦非
風白龍橫飛落半空流出石坡紋篔約徘徊坐卧
氣色融安得身披鶴氅羽謝絕人世山靈許漱流
枕石卽爲家峰作香爐竹作炷人言此地春色藏
四時不斷花草香我聞此語便俯首妖姿凡艷非
四明四友詩

見山集

二一

我有歸卧山房見麗叟飲我瓊漿濃於酒啖我火
棗大如斗

悔

事過一思無不悔悔時無地可容身氣能動志未
應爾醉到糊心漸卽真漫道從前不可藥譬如死
後再爲人天崩地坼分中事肯作蚩蚩飲食民

八月三日雨中獨登候濤山

西風吹浪吼如雷衝雨登山亦壯哉簡武臺前人
躑躅浩然亭上獨徘徊乍時雲氣霏微合望處秋
花燮爛開景色不嫌頻變滅夕陽又送海潮迴

江舟

澄江白如練浮烟接遠空孤舟江上行浩淼肅無
風朝曦漏雲際細皺波搖紅曉色清如許宿醒墮
渺蒙獨鶻橫江來戛然落海東

酬寅伯次韻

學詩尋行墨孫叔衣冠假下筆見性靈落落自脫
灑余見囿一隅賞心自昔寡快讀醉歌編黃河千
里瀉

廣陵絕人間遺聲什一在古趣性所諧氣專志不
怠余音寃未精學之餘十載間者指法疎暫忘心
自悔昔年彈溪山激宕搖鬼磊心澈百尋潭澄然
衆流匯長此寄遙情天空濤湧海

四明四友詩

見山集

三

古人飲過石典至輒立盡今人醒而在不當魏侯
晒造物自權輿非此分靈蠢達士小寰區亦非杯
筓引語妙發如蘭氣弘吐壓蜃一醉還太初此中
寂無朕

同萬開遠陳摩蒼彈琴咲讀居眼韻

道喪風流歇於今莫矜愚材宜桐梓老人自澤山
癯藝苑爭誰霸珠盤捧作奴生涯只如許不必問
榮枯

義門別後寄懷次韻

相爲相與可無言莫逆於心更獨捫學海先河必
至海入門由路得其門時名最易驚榮落直道從

吾任輜軒耿耿難傾數夕話索居竟歲似荒村
青山空許助詩篇懶向寒雲寄短箋佳句如禪提
我覺淡交似水得君憐勾江暮雨追前夢草閣晴
光訂後緣聞說春來須鍵戶奈何心在野梅邊

和錢東廬喜雨

灌溉資河渠堰堤謹啟閉水利近難言言及有司
忌今年春夏交秧同失乳耨耕犁可懸壁良疇十
九廢赤土膚髮焦皇望新穀繼水宅斷魚苗園蔬
鮮滋味晚飯舍旁行囁囁聞私語東鄰或絕炊西
鄰人自斃米值驟爾騰市僮變百計束手愁士夫
仁恩來天地沛然賜三尺人心免惶悸五日兩作
四明四友詩見山集

贈義門

霖新禾頓起瘁患有不及防江湖溢浦際桔槔未
可下徒然羨溶濟負郭半膏腴農夫已顛顛有澤
不得沾太息爲之記時處處雨足獨余邑東管鄉
河先受潮水仍不得種

南天

時寒邨先
生守高州

自蘆山入慈谿城止大寶峰約王予揆馮
明遠偕至由慈湖書院抵姜家舉出經普
濟寺小憩夜宿永明禪房
不入山深却入城殷殷爲是詢良友山隈水曲幾

經迴秋稼如雲壓南畝雙橋帆影劃西東江流抱
郭長蛇走層巒錯落雉樓開捧珠傳說攢龍九城
西有峰獨翠崒兀然一臂當其右千松聳翠徹晴
空疑是雲林纔落手二子能來倍賞心高坪坐聽
風濤吼盤紆而下遶城隅灌畦童稚隨男婦數椽
老屋祀先賢遺像猶存道氣厚千古光明不暫停
當機指點今誰剖尋幽更渡溪橋去石嶸如豆潛
清澗綠陰曲徑叩禪扉精舍宜人絕塵垢茫茫佛
法世情中顛倒拈來咲禪叟不多茶話興偏長寂
歷斜陽下疎柳黃葉層層翻晚風抖擻花牛作前
誘荒坡斷處踏湖潯聞道當年盡淵藪闕公遺澤

四明四友詩

見山集

五

未可泯那堪一望迷豐蔀我知陂復會有時黃鶴
云云事非偶廢興有主達者奇君看蕭寺歷年久
吳時捨宅尚峩然忽來禪黠現不朽法華罷誦已
埋身青蓮突出死屍口我行自適都不留一別青
山一回回首移將襪被過永明倦遊筋力輸之酒仰
瞻玉宇空無雲半輪皓月杯中守人生良會須盡
懽過眼迹陳等芻狗夜蛙鳴露蛩啣秋不離草澤
私涵負從吾所好五人同邊恤不知者厲詆更闌
携手上長橋羣犬吠惟誰所嗾闕然一咲歸僧房
閱遍新詩脫窠臼馮子不眠予曰否佛火蒲團暫
消受

志氣未明遠予揆袁學至各携樽上清道觀馮敬
興秦位木同行皆初識也暢飲至暮而別
寅伯及余西渡義門分途一醉渺茫多不

復憶

傑閣闕秋空煙光翠欲流江山信有餘好景兩日
收不緣喜得朋奚爲復淹留宿醒初未解啣杯難
下喉秦子忽瞋目意余詐而偷東門謂不然移午
與自適射靶逞好手藏鬪爭狀頭一飲不自止醉
亦不復愁李鄭少輒頽二馮坐余酬條矜拳勇誰
師倡而弟訓位木爲子袒裊豈叔段距躍方魏隼
闕堂真絕倒挽日却無由諸君別何所身已在竹
四明四友竟見山集
兜回頭烟樹杳江月棹孤舟

部人日韻

丁丑正月六日開遠逸老堂小集限杜工

逸老堂中我四至豈同時俗往來看真人墨押神
光燦累世忠圖劍佩寒去年二月過訪由示明高
皇所押告身并先世小像
句少陽春遲我咏琴當流水爲君彈從茲斗酒雙
相約敢憚門高問字難指管村先生

同人邀萬管村先生集光溪在澗樓分韻

得魚字

溪山有約及春初淡日微烘宿雨餘乍見葉低驚
去鳥未應水冷禁游魚興亡自定千秋史得失難

憑萬卷書

先生嘗預
修明史

聊復雞豚修社飲東南會指

聚星廬

次日遊宅山放舟高尚宅分韻得侵字

霜華着草曉寒侵小艇縈紆棹碧潯雲物收藏三
寸管蛟龍驚破一聲琴民艱早澇曾無術天篤英
才定有心指點蒼崖高士跡黯然愁比釣絲深

題洪簡民却鵬圖

浩浩天機物物該吾徒出處絕安排白鵬却得些
兒事不枉當年告讀來

却鵬永樂間洪堪事

邵之文先生招飲書樓示前立夏小集之

作次韻奉酬

四明四友詩

見山集

七

薰風拂鈴索鶯語已辭春高坐千峰俯忘懷萬物
親典型畱碩果琰璧異時珍雅曲天然奏驚人
不鬪新

髻年常侍坐三十鬢毛更似我慚家學如君不世
情名花零落嘆旨酒咲談清天地逢人少相期海
嶽行

先生有憶余木石居牡丹詩

種竹

一軒坐愛對山清數畝荒畦却懶營但得此君添
萬箇綠雲依水是書城
到晚涼時領趣多娟娟貯月好婆婆看成翥鳳干
霄尾影落空庭印老坡

月夜懷開遠次畱別原韻二首

踵息無言夜氣深
皓然濯魄到天心
千山萬水都相見
不礙浮雲故作陰
每因風月恨分離
夢到羅浮與子期
千丈鐵橋携手過
誰今高卧似希夷

劉鰲石過訪別後詩來次韻答之

僻居慚愧君相訪
菜花麥穗平如掌
風清天未振雄談
潮湧春江萬疊響
希聲何恤知音寡
踞巖安計培塿下
紛紛名噪一時人
未必聞君彈射面
發赭一尊纔盡拂衣去
意弗畱連人弗惡
欲發新成海外詩
病僕整囊已候渡
神交雖不隔道里
曾謂四明四友詩
見山集
離懷不始此
無心來往太空雲
冷然善也禦冠子

四月七日題齋壁

柳長新梢籜解筠
森森夏木蔭宜人
調琴預識陰晴候
占夢何來蕉鹿因
蛺蝶乍經花墮草
鷓鴣欲下水翻輪
青山坐對忘機事
今古相叅幾屈伸

維賢叔父和詩見示疊韻二首

松栢以心竹以筠
直方不易有斯人
偶逢棋敵銷長日
豈假禪魔語
宿因知我牝門調
鼎液從渠鼠穴礙
車輪浮雲世局無消息
自在眠窩獨欠伸
盡日虛窻拂綠筠
閉門高卧一閒人
亡牛游刃何事見
獵生心尚有因
水滿池塘輕去槩
莎平堦

牧並驅輪乘時萬物頻來往莫咲蟠泥甍不仰

過面墻書屋梅垂二實寅伯攜以佐酒拈

韻共賦

才訂看花及惠連相逢屬筆愧誠懸

時以在聯屬書標梅

堅取將求謂碩果美觀殊不然稟氣寡諧成正味
和醪解渴勝烹鮮他時羹鼎如相急桃李無功讓

獨賢

次韻答張德符

詩家格律細而嚴脫手慎弗矜鶻落香山一派暨
誠齋效顰不得態增惡君有吟哦好性情迥出時
流氣籠絡寄我長歌情思殷奚翅美人刀金錯我

四明四友詩

見山集

九

雖肄業風雅中有志苦爲章句縛六經曾未極鑽
研何止五傳束高閣元知蘊蓄要宏深學詩于詩
徒卑弱矻矻卷書發軔初已讓祖生鞭先着四聲
八病昔所嗤正欲與君徐斟酌宇宙變化名象繁
不博胡能返說約但以性情流露言未到渾成亦
穿鑿譬如茫茫泛海人抵岸無期莫浪諠

七夕同張德符鄭義門柴上林陳摩蒼集

面墻書屋時寅伯卧病不出

雙星隔漢本爲鄰駕鵲誰傳此夕真勝會古來非
獨我多情天上不如人涼生四壁新蠶樂雨潤疎
花一夜春獨卧至人休悵惘中庭月尚隱全輪

贈育王韻菴上人

法鍾長老高弟

憶過師翁玉几堂因緣隨舉語琳琅殘碑辨識詳
無垢張子韶為大題額留連歎堊陽寺中題額以
在為慧入室弟子十載雲歸生死潤一傳燈續弟兄將君能終
覲如來面怕不奇松再放光

齋中向植小松客歲槁死易以宮槐維賢
叔憶此有詩見示次韻解嘲

山中不惜松薪爇望處堆城中不見松甲濕匪易
栽小園經始日尺許植六枚風雨歲作惡摧折同
梧槐十年僅餘一亦妄希徂徠不知本實撥終為
灶下煤物生固有地強之豈性哉客遺夜合樹修
四明四友詩見山集

枝無纖埃舒歛隨陰陽影宜夕照回每憶魏公詩

保護若嬰孩牡丹讓花王凡卉真興臺韓詩云直

須讓花合歡誰不識此論驚若雷寒巖自有幹名

園亦有材清芬颺百和又云百和只待春風催松

濤夜半作七絃寫其哀

寅伯德符義門歷遊五磊達蓬香山諸勝

枉道入城見訪義門以展告急歸用其途

次原韻共賦

仰覺浮雲聚散情寒潮往復打江城恠來有物縈
眩子歡見無言質友生可囑蓬萊收大觀也知蘭
若遍題名獨憐夢戀庭闈客欲挽斜陽去去迎

池荷始開大周叔有詩見投十五日集飲
諸伯叔父卽席共和小子不得復辭

不慣涼州花索寞不辭露坐星移北知君交月不
交塵羞比嬌娥藏金屋憶自年前乞種來田田葉
漾風前殺龍頭所向誰能羈深尺淤泥舍萬玉豈
少源頭活水滋短堤母慮陂池漉薰風六月吹始
花山曉明霞映簇簇遶渠防竊走羣兒早起晏眠
倦童僕花能勸飲我奚辭我夢猶酣花氣馥醒時
輒向花底吟醉時亦向花間讀愛花誰肯讓濂溪
花若能言契又獨我家諸父與真豪立就新詩文
采郁白髮紅粧相對好黃樓中人羽衣縞留連更
四明四友詩

見山集

士

盡我三瓚恰是前山吐月時

篆客殷介持示登候濤山詩索和勉應之
幽棲聊避俗塵流青靄連岡竹杪浮夜半江湖挾
風雨夢回晴旭上山樓涼依老棟枝成葢香坐紅
葉花作舟第一山頭君聽否北溟有調徹高秋

贈張德符

君才江海炯雙眸稽古偏諳與世酬卓爾栖鷄時
獨鶴驕然遊刃解千牛仲車端爲高堂戀元亮徒
懷五子憂一室雍和無欠事經綸他日更何求
鮮交豈是薄今人不解逢君意獨親選勝名山皆
有約感時啼鳥若爲申乾坤百輩胸懷別風月千

家詩思陳自性自形祛蔽相期只樂到頭真

同薛貽孫沈德昭暨又文大兄子承子柔
遊靈峰山寺

鳥道縈紆上碧岑敞開梵宇一窩深行雲故故依山嶠落葉飛飛襲我襟泉斷迴溪失噴玉禽隨樵斧奏清音葛翁丹灶歸何處兀坐空堦思不禁

溪橋晚坐次大兄韻

新漲溪流過竹扉山椒縷縷掛雲衣遊僧乞食打包去稚子行樵拾墜歸霜染楓林添雨嫩雪鋪蕎麥着煙肥看山不負年來約客至如歸方外稀

過育王放光松下彈琴

四明四友詩

見山集

七

盛衰自是空門幻玉几依然萬古峰舍利何勞真假問入門人坐放光松

千年神物祇林種歷劫滄桑自不磨可恠靈光發露後僵如定去一頭陀

萬壑風濤猿嘯哀忽然笙瑟奏雲隈我因未了聲聞義特地携琴問答來

薛貽孫招飲宗伯第西軒次大兄韻二首

無恙門庭又一時尚書清節動人思但看緗帙遺風遠莫嘆青瓊食報遲月下招邀遊侶醉吟成甘苦自家知世風刪後憑君續

君家世總刻四始編詩曰世風刪

中更析疑

考槃獨寐樂無時祇爲青山繫夢思對月流霞金
泛泛問花刻羽節遲遲蘓氏吟安無已賞

陳思遠在座

米家筆妙紹彭知

襄陽書法最契薛郎中紹彭人稱米薛

影鞭驅馬

何能奮滿引縈蛇更不疑

輓大周叔次維賢叔韻

不因顛躓換時裝萬卷胸襟自灑洋禮法恪遵家
世範浮囂遠避國中狂了知大藥無真種剩愛名
山拾短囊此日江臯色黯淡梅花雖早少平章

文會梓山共弟兄先生得卷向人驚誰當奮翮繩

前武祇爲憐才獎後生果是鯉庭能學禮

子任以禮經雋

空慚鹿野竟無萃

叔父許余已卯試卷謂直駕鍾余

典型難再吾

四明四友詩

見山集

七

宗痛况復私心夙昔傾

城北風和柳欲眠青山屏列遠含烟懶情掩卷門
初啟伯叔尋芳袂已聯觴政阿咸常侑席詩壇老
將獨登先將來弱一耆英會樂事多慳造物偏

憶昨登山尚好顏東樓少飲色微殷歸帆數盡滄

茫際舊刻留連翠壁間海國一陽飛候鳥先生至

日閉玄關兩楹夢莫驚疇昔已解安時處順還

十九

日登山尚健步去疾草時止七日

贈陳克諧

咲讀君傳九友圖榮枯事各十年殊虎頭自昔無
凡筆轅下何人盼伏駒勸飲花枝春已老聯吟池

草興難孤一竿終向滄溟去又洩幽懷在槁梧人九

中余作垂釣今伯
兄同寫余作撫琴

印千上人營礦自題曰太古方琴索余贈
言為賦一絕

覺來無古亦無今底事人間贅此琴不語山花應
領得元音漏却是啼禽

坐靈峰庄懷寅伯兼天岳長老時寅伯約
遊天童

紅遍園林綠滿疇春殘尚及事春遊噪晴山鳥時
呼侶藉草溪蟲不逐流節序百年成老大江湖諸
子半沈浮何當蓮社相從去惠遠今還好事否

四明四友詩

見山集

十四

維賢叔父寄詩郡中次韻奉答

讀罷儒書讀道書先生舊學未為疎局中知盡虛
弓鳥意外求多緣木魚淡以天機真自足閱窮古
籍也無餘虞山未必明斯旨囑覓錢牧齋後集梵語連篇

總遁虛

牧齋晚年文
知引內典

薛君翰表叔招飲余觴政取九秋佳色卽
以為韻賦詩四首

誰人不愛花蒔植鮮妙手一花艷一時先後氣相
守叅以助長心所償十失九纔過處士園春風訝

獨厚

經年理藥裏避暑又逾秋菡萏風吹酒梧桐月解

愁飄零花事晚剝啄故人求爲報秋容好斜陽小徑留

圖書花影射隨地坐來佳遶砌海棠媚當窻金粟排天香函丈室紅瓣覆惜菱吟少黃陳句堯夫樣打乖

慙慙愧主人簞盞豫已飭乳酒隔年開傾杯妙香色爲擬菊花期遠近各以億載酒欲頻來陶公弗避客

登候濤觀海懷墨跡

尋常載酒上山樓祇覺今朝興更迨雲蘿波心搖玳瑁漿飛天末叫鞦韆勾萌未展山容淡潮汐無

四明四友詩

見山集

五

喧海色幽多少留題姓氏滅何如畫壁照滄洲

八月十七日同張德符鄭義門楊東崖宿

中天竺山房用白蕪二公原韻

曾涉禪宗不二門心空及第本無分來遊似訂三生石昨事如歸一片雲卷好縱邀神鬼庇吟安還

恐白蕪聞莫辜此夜山中月一醉應拋俗論紛

一夜山中酬宿債十年筆底未名家

丙子年旅亭上人約寅伯

義門及余宿山余不及赴入懷明月仍懸鏡鑑色溪光亦引蛇垢淨欲傾大甕子香聞止解木犀花忽然夢去追

詩思信手書成整復斜

九月五日見山書室疊韻

琴書寂寞鎖柴門
草長枝交路不分
亦與歡顏娛
白髮豈真失意在
青雲弟昆莫解艱
于嗣時大兄又育一

女四十深慚未有聞
已定此中老歲月
乾坤若輩解其紛

漫謂七篇能得士
就論風氣要成家
誰憐崑玉彈無鵲
却咲驪珠指在蛇
一日虛聲非定價
千秋彩筆自生花
問君致遠將何任
祇恐塗長日欲斜

維賢叔父七十自爲行年詩六章漫賡一篇以致祝

行年去去如流水
德不逮年君子耻
七十聰明古所稀
健似先生不凡比
先生自少俗情輕
浩浩天

四明四友詩

見山集

七

機百慮屏躬行
常抱無窮戚
時違肯作不平鳴
天之机我如不克
人之報我自云直
先生坦然順受之
一片冰壺在胸臆
問渡看山百里廻
赤脚飄然獨往來
歲寒猶自求三友
竹徑松陰逢老梅
百年睡息深華岳
非夢非醒有至樂
先生踵息性存存
羲皇之人相酬酢
誤人大藥鑄黃金
白雪黃芽何處尋
祇得濂溪無慾首
光風霽月到而今

聞董亦弘計次日雲中買舟

一夜夢魂驚不定
西風吹淚上江舟
同雲又暗千山雪
急浪難掀萬斛愁
想到浮生原是寄
情關死別底能休
守宮磨竭吾安命
兒女緣慳豈自求

哭亦弘二首

癡情猶與復生全一聽啼聲淚湧泉臘日辭來成大別春風吹散似輕烟兩親生割君何忍一罥長拋我自憐只看孤兒雙在抱思來憶往總淒然六年相待似嚴師愧乏開陳古道衰祇爲默無問難語誰知宿有老成規他時愛我書盈軸何日爲君叙短碑如此蓋棺真慘矣親朋交涕有深知

張念阜汝賢昆仲招飲鄧山書屋和唐人

玉堂莊韻

新題都已逼錢郎我綴卮辭附末光木本水源芹可味仁耕義釋草能香

味芹張氏堂名草香外父墓址

雲封竹屋

四明四友齋

見山集

七

書千卷魚沫蓮渠墨半塘以此娛親兼會友何須連闥羨南陽

張志呂德符鄭義門柴上林同集笑讀居限杜工部夜宴左氏山庄韻

詩壘多雄敵吾軍久不張忽然歌浩浩正復陣堂堂雨聽鼓聲急雲連城壑長風流遺將種

謂開夢

草豈能忘

歐冶古劍行

赤董破出錫若耶洞出銅雷公雨師擊橐舞太乙下觀天精通歐冶因之悉伎巧大刑小刑五劍鎔越王滅吳盡得之有客薛燭辨其奇毫曹巨闕莫

相勝絕鈞後出光陸離燭也如敗思如悟簡衣下
階而深惟揚其華如芙蓉之出房觀其瓠如列星
之成行斷如鎖石如冰釋光渾渾兮如水溢於塘
告王傾城珠玉不可得駿馬千戶何足償楚王亦
嘗召歐冶鑿取鐵英茨山下龍淵太阿工布陳楚
王悅懌其精神風胡一一爲王狀如登高山如臨
深巍巍翼翼如流水瓠文如珠不可衽晉鄭興師
求不得太阿一揮軍辟易猛獸歐瞻江水揚晉鄭
之頭已卑白固知劍實有精神胡復詭言在聖德
千秋勝事說來雄決雲衝斗久成空泥塗間或埋
神物但恐相逢不相識歐冶乎歐冶乎聚精鍊器
四明四友詩

見山集

六

格天神不有薛燭之知徒作駿馬二都直

宿吟讀居用杜工部倦夜韻

一飯三杯酒諸郎繞座隅至賓情各適禮俗意俱
無老樹暗中識秋蟲局地呼能求千古友何論盛
年徂

宿可亭憶亦弘作

園亭清暇少人過觸目回頭集感多客座酣杯失
老友謂陸孤幃酸語對青娥爾雖貽父衰年累我
若無鬼畏可曉景何悼爾沉思還自悼蔡邕書卷屬無

他

哭維賢叔父

去冬七十述行年一片幽憂孰與傳省墓道多行
脚債秋風相見竟黃泉

難忘手澤在叅同探得天根幾許功若論考終神
整暇確然不愧孔門風

博聞敦行吾宗重教育英才禾郡揚早有服膺陳

太史相逢便恨不同鄉

陳介眉先生嘗云恨謝某不生同縣

解組言歸丙子秋武林一見淚紛流傷心逝者殷

勤屬屬我應兼名壽收

邇來卒於丙子正月是科次題必得其名二句叔父

因舉爲余視

十年家學得親承疑義相叅賴發明多是窻扉初

啟候巡檐頻喚阿咸聲

四明四友詩

見山集

十九

風雅今人浪博名海濱誰識謝宣城先生得句自

怡悅偶有流傳見者驚

唱和偏多在見山畱連日夕每忘還從今花木失

知已沂水風流孰可攀

少飲當杯興必賒座中無叔客心遐連朝苦雨凄

風急愁對庭前雙桂花

性何所嗜玉川如赤脚長鬚又不支布被繩牀同

野衲一生甘苦只茶知

可待孤孫成立年如何一病便長捐呌爺誰更依

爲命萬古難平是老天

遺書數帙爲孫謀念祖應從世德求愧我無能承

付託茫然遠慮集千愁

寅伯訂邀鄭寒村先生遊光溪九月十七日入郡先生舟已早發乘月鼓棹至在澗樓約三更矣寅伯韞山漁山翫月詩方成

索和次韻

爲約南山陪杖履江帆纔住又溪蓬岐多木港茫無路導得漁舟絕處通偃卧久貪滿抱月側窺只怕打頭風遙知在澗聯吟永探去樓窻一炬紅

它山堰謁王公祠用杜少陵遣意韻二首勝入它山堰襟開步亦輕人皆言不朽公自氣如生色變秋深草香添霜後橙菁華總易歇泉石誌

四明四友詩

見山集

三

鴻名

隔岬深林僻盤溪一徑斜人過沒蹇騎魚動泛圓沙碧澗種雲樹洪流噴雪花誰爲丘壑主半日肯余賒

同胡鹿亭張漁谿韞山李東門柴漁山張念阜携尊在澗樓壽寒村先生用杜工部奉陪鄭駙馬韞山曲韻二首

光霽如何樣先生今一人忘言使我醉兀坐滿懷春秋染江山老日烘雲物新追隨容小子散髮懶加巾

玉皇香案吏七十謫人間墨燦千年鼎筆搖萬仞

山蒼松同出色稚子亦懽顏莫便言歸去歸時有
夢還

蘭江舟行過高尚宅懷賀秘監用陶靖節
庚戌歲九月中於西田穫稻韻

蘭江湖舟上豁目非一端樹色濃淡染山形層疊
安樵歸松徑遠牧眠莎阜寬高尚傳賀監辭官野
服還垂釣或偶爾荒臺臨江寒我思老狂客棄屣
本非難當時何籍籍良由祿喜干在易蠱上九論
公猶腆顏以我竊自問寵辱早不關亦非丘壑戀
甲古發長嘆

歸途次寒村先生光溪舟中韻

四明四友詩

見山集

三

連宵雨漲尺餘波霜葉翻時血點多平野青黃垂
穎粟遙天嘹唳亂鴛鴦魚骨密布三叉港蟹斲空
浮一草窩看去秋光都入畫坐來天上樂如何

未知

積薪安寢未之知端策誰從決我疑國困奇裘民
竝作官邪循謹吏三褫杞人憂及天方大魯女歌
非嫁轉悲習熟說鈴總藐視龜著襲告亦徒爲

丁亥上巳後四日子應弟新植牡丹初放
余過看花適當招客大醉而歸率筆賦贈

未盡此花之標致也

牡丹何獨推花王一隅之見久不破年年穀雨看

花期玉樓平紫爭雄大曹州公子知愛花購來異
種如重貨什百包藏件繫名三千遠道無一挫春
風破萼枝枝鮮爭看國色欣相賀就中黃白尤出
群俯視凡葩恐相淹我來恰遇主行觴拚醉花前
亦無奈更待精神透發時一一形容倡予和

十九日再過看花疊韻

得意名花續續開不須羯鼓一朝破燦爛五色雲
霞蒸魁奇一轍車輪大洛濱遊戲盡仙姝賈胡列
肆無凡貨信哉濃艷冠群葩疇昔所珍皆可挫只
今有調擬清平誰似知音狂客賀等閒脂粉莫相
猜花神未肯受爾淹但愁風日損明粧杜宇催春

四明四友詩

見山集

三

計無奈此詩好事或流傳已當薰風揚百和

余旣以兩次看花詩示諸同志二十六日
子臨兄過我曰子以前此所見爲盡此花
之勝乎未也今衆芳皆萎有殿其後者尤
稱拔萃望之則玉砌瑤臺凌空縹渺卽之
則冰肌雪貌綽約離塵其肩隨相倚也則
姮娥素女騎白鳳而出廣寒其修潔含春
也則號國朝天却胭脂而矜淡掃亟過相
賞不盡留連復成三疊

獨餘國色殿殘春膚似晶丸殼初破洛陽花譜及
天彭此品衆中久尊大龍翻藏炫水精珍揆使鬼

輸瓊玉貨揚家姊妹擅風流號國淡粧更頓挫我
來花底吟不休錦囊句已搜李賀最憐後出愈精
神玉仙忍着塵土澆縱然寂寞兩相看筆酣墨飽
復奚奈若將韻事報曹州應欠歌呼浮白和

薛園綠鄂梅自初苞以至盛放無日不過
與留連枝榦軒翔色香瑩徹真冠絕一時
者矣嘆賞之餘形容莫罄明知唐突花神
然冷淡生活似亦不可少也

玉梅一樹何玲瓏胚胎造化顯春工對君十日注
目力微妙知非淺率通綠苞密密漸吐白香心窈
窕逗從風三日陽和悶不得玉仙全體瑤臺逢屈

四明四友詩

見山集

五

曲低昂光不定上下反側氣自融此誇夜月溶溶
照彼愛朝烟淡淡籠坐卧沉吟隨爾領酒盃茗椀
俱相蒙猛然斷絕思維下花自無言入契中

靈峰庄遲朗然上人

哭兄哭師情一樣世出世間誰汝誰只道今年佛
會稀牡丹依舊逢春放

拈花戲贈朗然

一花自有一花春牆角籬頭總媚人東風着力無
尋處折問維摩不染身

乞育王秋遠長老白蓮

曾種紅葉遍小塘殘多難複製爲裳此間火種原

無燄彼土金臺較有光汗濁豈能傷潔白炎威相
得變清涼自家所有從師乞葉葉花花待對當

吳尉罷官同萬開遠飲之候濤山

荒山閒白日四顧發悲歌萍梗潮來合滄桑眼一
搓太空常若此不朽欲如何壘壘千年土誰能分
別他

今日樂何極塵襟悉破除鳴琴流大壑長嘯答空
虛滇際山浮髮高臺風襲裾一杯留佛國心地要
如初

園木

栽培合是棟梁材並育何曾棄不才無汁染衣柳

四明四友詩

見山集

音

已蠹待梧棲鳳榦方孩廿年飄忽半頭雪隻影凄

涼萬念灰

余闕此園已二十年自丙子遜來仲韓
歿後洎大兄之變繼以子承真不堪追

也贏得清陰遮白日不開書卷卽鋤菜

治圃

勞心無用且勞身小圃經營物物春似戟叅天新
竹翠如盤托水綠荷勻暑過荏菽知垂穎秋老草
麻待取仁莫笑樊須爲計左學成禮義信誰遵

送傅公孝之粵西兼寄王如綸

娶妾君知我心曲多男君復走遠方有生元各分
難易立命終須自主張越城一席逍遙客瘴土三
年安樂鄉求不得兮推不去翹首浮雲白日藏

次寅伯見待韻題閑閣詩草後

三百聲詩義未殘分唐別宋彼何安
颺馳早足歷三子雪淡何曾減二寒
寒村先生爽捷如俊鶻獲禽懼我懷近被天公敗
乞得君家七返丹

肩鹽老卒

白髮休糧卒重誇戰八閩招降奇制府
賜饌德將軍沙虱三千化勲名百一聞
獨留殘朽在食力逐鹽羣

賦得霜染江楓紫限霜字

江上芙蓉歇秋深靚艷粧山山添翠色
樹樹煥朝四明四友詩

見山集

三五

陽落葉還疑燒停車轉覺涼知非松栢性
經得幾番霜

同寅伯過鸛浦夜半渡江義門燒燭以待
已成長句次韵

日月匆匆易邁征栖遲不是匿身名我于酬俗緣
都謝君爲娛親話款迎岐路初愁泊何所深更懼
見韻先成今宵又得醅酌醉只此行藏乞共評

開遠辭館過別詩以送之

眼中人少可書劍滯三年物換愁難解
花開句必鮮候濤留嘯傲入洛恐迤邐
忍性未爲學期君自得焉

敢誣一國士君實出羣才險道曾經熟豪情未盡
灰酒非驅病物詩尚射名媒陋巷春風至如何不
改來

分傅芑源千葉紅蓮次開遠韻

紅蕖久挹曉天香愛此千葉燦異光君子清風來
北牖美人幽夢忽西方韻高塵垢何能染性潔塗
泥儘可嘗節節生花兼綻實佩遺永好澤俱長

和開遠自題偕老圖

美君樂事在斯圖景物清和錦樣鋪彩筆顧從書
種授醜顏好藉玉人扶先時誠且絲桐靜指日看
花輦轂俱十丈蓮開知自性紅塵肯使浣吾軀

四明四支詩

見山集

三

喜雨和開遠韻

雨挾潮聲壯風過樹杪安如行燒薙水恰值種田
寒草阜欣窺穴天喬沃倚欄無私萬物性鼓吹應

爲官

嗚呼不孝方不欲爲人何惜此區區之詩然不忍
沒吾母之教也已未父應薦入京家徒壁立母遵
王父命辛苦延師督兼嚴父十年赴父五河任父
見九歲兒今搖筆爲文入勞母母曰彼尚能詩然
爾時不孝實亦不知詩也辛未父遭白簡鍛鍊成
獄三四年中母命行乞海內釀金告贖至甲戌載
父母歸里當是時父因縲縲母疲橐餽隻影躑躅
悲號淚盡而詩出矣乙亥迄庚辰六年間客南閩
潮陽東甌三吳覆巢完卵艱無所得食辛巳復嚴
追贖緩秋風落日中床上別父竈下別母踉蹌出
門而詩境愈慘至京師曩時募助諸公零落殆盡

四明四友詩

冰雪集自序

思自投西安獄入關某復力救之得脫走馬中原
放舟長江嘯歌以歸歸時小除夕夜半大呼叩門
而入父驚喜墮床下母恐兒誰已有追逋者偕之
來也手摸索帳後不得出痛旣定出行篋所有誦
之母前母且泣且笑曰兒卽榮我以誥勅宣讀猶
無此樂也獨是母以十日九病之軀前後熬煎湯
火中間兼喪我王父殤我一妹兩男二女疾病死
亡靡歲不有昨方幸萬死一生生男復天父旋患
風疾故聞不孝病愁殘臆斜陽短寒對西山積雪
長之句輒嘆爲不祥甫及春而母歿歿無一語嗚
呼今棄不孝十閱月矣痛念吾母精神命脉全在

不孝一身不孝無寸長半生荼苦其精神命脉全
在冰雪一集倘是詩不存則吾母二十餘年以前
教我讀書識字一片苦心如電光石火無跡可尋
矣不孝其忍乎哉爰就總帳下自序而錄之集名
冰雪者夜寒甚硯冰出視之戶外雪滿遂以名焉
康熙癸未冬不孝哀子萬承勳泣血識

四明四友詩

冰雪集自序

二

西郭冰雪集目次

虎子岡寒蕪五慰翁路旁草次昔思

被底吟風與秋風驚樂圖

洪掌教署齋對菊有作贈此題詩

渡錢塘江詩詠白牡丹

從李寅伯貨穀

白雲莊歲暮雜詩五首

祭竈詩

正月十日李寅伯張有斯志呂德符鄭義

門謝漢倬陳摩蒼補祝家大人六十壽

集小溪在澗樓分韻得齊字

四明四友詩冰雪集目次

二月初二日陪鄭義門掃都督施公墓

陳山學客漳浦有譌傳其死者因憶余癸

丑酉走馬藍田土山忽頽寧人遂傳壓死

祭周非熊聞之驚哭作此寄慰

省梨洲先主墓二首

閩行示趙同志二首

漳浦送董漢竹歸家次白詩

漫興二首贈湖州鎮薛總戎

為彭浣廬明府題漁家樂圖

道旁見紫藤花感憶徐健菴先生舊恩涕

淚成詩

感懷

六首

出門見岐路

聞難赴京用東坡韻

宿泰安州夢老母鳴冤官府事得豁免感

泣達旦

京邸枕上爲乞者歌呈少司空許時菴先

生

晤錢文起舅氏於京城郝君弼家回憶癸

酉往來西北皆賴舅氏提携今復遭此

難詩以當哭

陳卜年憐我病軀被難獨行四千里扶持

至京方將竝詣西安爲納橐計而卜年

四明四友詩

冰雪集目次

二

病作勉勸先歸送之行又殊不願卜年

有此行也

二首

西安遲耀州守李澄百不至

華山道中逢劉菴石

嵩山道中與少林寺僧叙舊

秦中歸訪謝漢倬

殤子

三首

病中

西郭冰雪集

萬承勳開遠著

虎子岡

以下癸酉

虎子岡虎子岡虎自得子氣愈揚去年老虎食我
豕與羊今年虎子食人爺與娘爺娘但憂在山飽
虎腹那知城市之中虎尤酷苟全性命有完肉白
日閉門不敢哭

路旁草

多少園中花秋霜比春露弱草困路旁瘦渟一何
妬不如早踐踏修短安其數只恐冤根留生生復
如故

四明四友詩

冰雪集

被底吟

日日起四更日入行未止灰沙漲帽簷冰霜戰牙
齒野飯不成餐野道不成里執鞭手指拆據鞍髀
肉死劣馬更顛蹶敗傷及骨髓風火發痛癢一搔
一繭起夜來徧撫摩問是誰身子枉費慈母心三
年懷抱裏

洪學教署齋對菊有作

名景行字山至歙縣人時任五河教

論以下

日暮淮水碧金風送微冷訪舊過南窻黃花榮晚
景主人開新釀欲消秋夜永頻年反首勞得此忘
憂境坐久來雁聲歌殘漾雲影偶焉感聚散花前

發深省

渡錢塘江

鄉音到此聽喧譁潮退錢塘路軟沙三四年來嘗
變姓二千里外竟歸家寒天柴擔挑殘雪薄暮漁
罾浸落霞觸目關心都作喜江船才上又牛車

咏白牡丹

不將富貴向人誇落落春深處士家昨日客從姚
魏至笑君不似牡丹花

從李寅伯貸穀

以下丙子

紅葉不堪煮村莊卧白雲須君賒甌石減我病三
分業售春荒盡饑從樂歲聞劉伶還悞我終日醉

四明四友詩

冰雪集

二

醺醺

白雲莊歲暮雜詩五首

閨閣今爲戎馬場依栖丙舍耐荒涼不因窄狹無
安頓針線圖書共一房

飄零不復舊粧臺相對如何有好懷惱殺蒼頭偏
媚婦過年早與打銀釵

寒舍盤餐亦滿堆園中白菜海中苔不知肉味真
三月辜負貓兒上席來

半月天晴無處飲殘年地濕兩家呼酒徒何礙林
中鳥喚雨連聲谷古孤

鵬殘春近氣和融開到庭梅半樹紅曝背花間聊

假寐蜜蜂附耳喚翁翁

祭竈

報賽荒廚空致誠祭筵草草可憐生今年爆竹都
無有隔岸人家借幾聲

正月十日李寅伯張有斯志呂德符鄭義

門謝漢倬陳摩蒼補祝家大人六十壽集

小溪在澗樓分韻得齊字

以下丁丑

一庭春色來冬夜片刻輕舟到小溪卧榻香溫梅
閣上行厨豐潔竹林西人驚勝侶如雲集我愧癡
兒與戶齊昨歲自無杯酒獻偏能侍飲醉如泥

二月初二日陪鄭義門掃都督施公墓公

四明四友詩

水雪集

三

翰號二華山人萬曆間名臣與先高祖元
戎公有林泉雅會圖明亡子某死之無嗣
外孫鄭蘭阜先
生世主其祀

憶從萬曆林泉畫得見將軍品最豪剩有江田留
墓碣可憐風日遇花朝外孫主祭經三世宿草生
春忽兩朝差勝昌平諸寢在年年麥飯沒人澆

陳山學客漳浦有譌傳其死者因憶余癸

酉走馬藍田土山忽頽寧人遂傳壓死周

非熊聞之驚哭作此寄慰

不死何妨死浪傳祇嫌死後沒人憐周郎痛哭藍
關客生活於今又幾年

省梨洲先生墓二首

落日秋風倚墓臺山僧茶話亦增哀化安泉好年
年約直到先生死後來

分栽墓木約還除哭罷驚看萬樹遮烏柏白時紅

葉盡滿山十月放梅花

先生嘗命余夫婦各種梅墓側

閩行示諸同志二首以下戊寅

曩時燕趙曾爲客萬里風霜不挂心鄉曲幾年疎
懶慣出門一步論晴陰

嚴父連春悵遠離慈親未別問歸期七閩縱有佳
山水只恐無心到武夷

漳浦送董漢竹歸家

萱庭到日耄顏開膝下歡呼兩弟陪歎我隻身辭

四明四友詩

冰雪集

四

母出更無人寫一書來

漫興二首

天地生人易人生天地難夭者息重任愚者享苟
安一自秉至性炯炯有心肝聖人人倫至稍缺名
不完但留一息在厥任難自寬百年正鼎鼎何以

慰三餐

爲人如登山上路那可任亭午偶歇脚日落西山
暮瞻彼同行人茫茫不知處搶地悲失時豺虎橫
當路欲進無進理欲退無退步幽林送晚鐘悔不
先幾悟

贈潮州鎮薛總戎

名受益字謙若山東人

明公大業誰堪比不待書生頌滿紙幕下有客余
故人謂李修仁稱公母節冰霜似今日皇朝推轂臣五

月紅闈遺腹子禱天默佑子長成日抱呱呱淚如
水叔謀改嫁車到門母斧在腰叔魄褫廿年蓬鬢
毀粧臺三餐并食甘糠粃寧圖身享八座榮歲將
滿百猶童齒芝蘭玉樹盈庭階七十年前隻影耳
念母苦節心自悲悲我先型在青史勝朝曾樹開
國勲錫之世爵甬江涘三世征倭誤射龍年少將
軍海上死死時祖妣年廿四遺腹也從五月始門
戶竟無期功親有姑不嫁守宗祀嗣後累葉爲大
將一代勲門推萬氏滄桑雖變箕裘存理學文章

四明四友詩

冰雪集

五

盡名士余則十傳愧冢孫未知成立終何底平生
所志在大義一聞其風雀躍喜明公之忠王國楨
太母之節中流砥萬里特來拜戟門兩朝佳話傳
雙美

爲彭浣盧明府題漁家樂圖

名延禱三韓人時任縉雲

縣

使君幽興天下無壁挂一幅漁家圖拉我題詩奮
臂呼脫稿先後分羸輸狂生自謂高陽徒一日無
酒詩筆枯使君出令沽百壺披圖快起鴉亂塗漁
家事業藏烟波隨手舉網金鱗多街頭換酒不顧
他老少團聚呼其婆桃花洞口春風和席地呼盧

時唱歌前船早到顏已醜後船遲到忙復過洞口
桃花有時歇洞口漁家樂不絕綠荷黃花并白雪
甕底春風多歲月

道旁見紫藤花感憶徐健菴先生舊恩涕

淚成詩

道旁紫藤花開落何關事凝眸再三看淚湧如泉
水憶我弱冠時走謁徐夫子海內聲氣通塗山玉
帛似偏許座上客萬勲豪傑士欵待開名園坐我
春風裏中有紫藤花爛熳鬪紅紫年少寡愁煩對
花每歡喜未幾黨禍生乞食頻吳市夫子予千金
救我一家死自知無能爲指天聊自矢願將此後

四明四友詩

冰雪集

六

身傭書供驅使才解晏嬰驂忽傳尼父誅宿草痛
年年未酬一片紙不期見爾花今日乃于此爾形
何鮮妍我形何穢鄙爾開有定期我行無定止上
有雙病親動適千萬里負米尚未能何況報知己

感懷六首

其二答董次
歐問疾原韻

舜跖祇兩途中人安獸窟妄念一擴充豺虎食不
屑病夜驚起思盛年駒過隙聞道無其朝可死那
有夕萬一夕而死豈不猶然跖

托身在人類五官非不完三以善病蟣蟲生儒
冠父衰萬里歸依人無好顏發憤思養志去去越
河關辛苦入一錢所出有萬端口體不能養淚盡

血暗殫空欲依廡下
追踪梁伯鸞伯鸞一身計何
患饑與寒

感彼西山人清風獨振起
成周仁者粟不屑浼其
齒我欲從之游直與鼎足峙
旣思二子賢成之者
中子不然夷與齊墨胎守宗祀
縱懷苦節心誰容
徑餓死人生有兄弟其幸蓋如此

百計望生子一女充其數
若以古人論三十乃得
娶我娶十三秋昨初三十度
只作娶經年生女亦
何悞撫茲羸疾身主器時恐懼
謀生非作客人將
爲涸鮒年年不生子何以適遠路
堂上窺病翁老
淚正如注

四明四友詩

水雪集

七

同郡結四友分南北
西東東門負俠氣南溪懷清
風自幼識其面近歲知心同
北漢交最後砌里忻

相逢

因東門定交

冥然但飲酒而目明耳聰感此三君

子有我在心胸詩文爲我酌有無爲我通
西郭剛而隘氣盛理不充十年躬自厚學之願未從
李鄭奮臂起所告豈不忠謝談每微中俾無地可容我

欲就北面二子共磨礱

東門李寅伯南谿鄭義門北漢謝漢倬西郭則余也

江東錢先生身氏兼吾師情深畧其分貧病相扶
持皇都五下第萬里空囊垂旗下授生徒聊以救
渴饑三餐僅餽粥終年斷酒卮我聞八旗人盡是
從龍遺有粟應如山有酒應如池不謂物力盡四

海同瘡痍爾我復何怨歸餓東山陲

出門見岐路

出門見岐路仰天獨長號我生未及半死路時見
遭刀刃伺夙昔饑寒迫今朝寧從刀刃死隕生止
一刀不願饑寒生死有千萬條烏倦知戀樹馬倦
知戀槽人窮愧不如禽獸還道遙出門復入門破
屋揚狂飈尸饗煩病母日午火不燒路無金錢拾
門向誰家敲

聞難赴京用東坡韻

以下辛巳

八載生還海國邨感恩無翅達天門漂搖幾破巢
中卵湯火重熬釜底魂遠道含冤逃去就衰親垂
四明四友詩

冰雪集

八

暮隔晨昏自慙不及緹縈女曲直憑誰闕下論

宿泰安州夢老母鳴冤官府事得豁免感
泣達旦

操作何曾一日寧三年從宦卽飄零飛來湯火偏
能忍老去風波尚未停救死無方愁短榻伸冤有
夢到長亭可憐秋雨啼猿夜岱嶽峯高不解聽

京邸枕上爲乞者歌呈少司空許時菴先
生

乞食人來何暮與一錢饑可度長街寂寂獨苦號
有客持錢啟戶招與者有盡饑不歇後夜敲門復
誰郵

晤錢文起舅氏於京城郝君弼家回憶癸酉往來西北皆賴舅氏提携今復遭此難詩以當哭

燕臺卵翼赴秦關萬里凶荒患難間野飯連砂饑共咽病軀墮馬淚常潛當時免死原非分兩度求生況更艱夢亦不知重會此挑燈細認舊愁顏
陳卜年憐我病軀被難獨行四千里扶持至京方將竝請西安爲納橐計而卜年病作勉勸先歸送之行又殊不願卜年有此行也二首

朔風吹客上征車從此西南各一涯華嶽十年重四明四友詩

冰雪集

九

見面鄞江萬里獨歸家嗟余多難飄零久累汝孱軀疾病加破帽籠鞭斜日下京城處處送悲笳
煩君到日過吾廬顏色還應分外舒病父龍鍾親啓戶慈幃鶴髮候開書是誰早晚供升斗代我時常慰起居春意卽今寒谷轉豈無歡會破愁餘

西安遲耀州守李澄百不至

昔年曾此戴南冠再至尤驚客路難車轍泥深雙膝陷土床煤斷五更寒思家到處裁書寄出險無期把曆看惟有對山能救我幾時飛蓋下雲端

華山道中逢劉菴石

斜日三峰影倒垂雪中楊柳剩枯枝三年好友稀

音信萬里良緣在路岐怪汝無家猶似昨憐余被
難復來茲衝寒上馬東西去始覺逢時卽別時

嵩山道中與少林寺僧叙舊

我爲將種爾佛子馬上相逢說往史爾祖我祖方
外交關係前朝天下事肅皇剛復時政乖倭奴入
寇莫敢指是時我祖開府歸養真早隱西湖裏當
事倉皇邀出山世受國恩肯畏葸赭山一戰虜賊
魂烽煙兩浙長城恃太倉賊犯復乞師遣騎中山
投片紙五百阿羅夜劫營火焰飛空雷電似指佛
在天伏至地舉頭藍面驚神鬼殺人如麻聲不聞
但聞賊叫天兵起滿地倭奴同夕殲海疆得靖從

四明四友詩

冰雪集

十

此始我祖功成自不居復戴黃冠覓山水至今人

到武夷曲雲游曾見鹿園氏

先都督事詳明史名臣儒林文苑三傳及

雨上者舊詩傳

二百年來滄海變子孫流落我與爾爾祖

爲佛有戰功我祖爲將通仙理我思入道不可期
爾縱叅禪亦何底不如歸去各談兵邊場萬里供

驅使

秦中歸訪謝漢倬

以下壬午

客歲西風惡浪催操舟臨發共遲回傷弓鳥復穿
林出被雨花偏得日開從此胸中無別事思君江
上又重來去時衰柳今垂綠一笑相逢轉自猜

殤子三首

堂前雙燕子較我何逍遙不日成居室轉盼生兒
曹兒曹本易得其來不可招怪哉燕不仁多子向
我驕喃喃梁上語捲盡心中刀
母乳薄於水兒氣健於虎一吸每至盡久復聚少
許汝母苦不繼滿懷淚如雨我非元魯山焉能學
自乳一日度一日終身遂誤汝傷哉汝死後乳漲
母又苦汝姊三歲餘乘機思吸取

汝曹命不長汝母鬱所使回憶辛未冬大兒母腹
裏祖宦得奇禍母鬱從此始余志在救父呱呱不
暇視入京還出京兩載無停晷撫兒謂汝母三節
在青史生當復團圞不幸望守此邀天幸贖罪由

四明四友詩

水雪集

七

秦入燕邸家書不及兒竟作溝渠鬼甲戌夏四月
帝命歸故里官府乃捕余追逋盜賊比欲戮罪人
拏曲順佞臣指汝母密爲策乞食逃吳市百計始
成歸入口無一恃乙亥得次兒愁顏共歡喜未及
百日殤受病良有以祖母力醫藥五年得汝姊諸
苦雖備嘗患難不復爾所以此女生可望多年紀
去年辛巳夏禍根驚復起虎口身再投安得有生
理汝母知我意指腹對天矢新愁并舊愁鬱結更
何底瓦全仍得歸夢亦不想耳生汝莫長大母乃
不知止所哀汝弟兄骨相盡奇偉未嘗能喚父不
可謂非子乃以多難故久鬱傷骨髓累汝來人間

不見天日死汝欲再爲人切莫生萬氏

病中

只道病從憂患積豈知憂患病中深
芭蕉已剝層層葉苦竹難通節節心
花到晚香先減色天將大雪必重陰
看來生意今如此九死當年向活尋

甲戌歸後與李寅伯鄭義門磨厲爲詩往來輒窮日夜吾母念不孝積損成衰戒不復作然每見不孝侍食或墮一筋或飯入口齒頰移時不動抱嘔心之憂者久往往哭之夢中醒且不止不孝乃痛自刻責戊寅冬迄己卯一年無詩心煩技癢其後又漸復作焉嗚呼不孝之負吾母者深矣癸未冬承勲又識

西郭子既自集癸酉至癸未之詩曰冰雪矣丙丁
戊三年館穀鎮海每詩成不自苦其迂而樂之間
以鄭子元篆石苦吟引其箋近將歸里統錄甲戌
後所作呈之吾友漢倬先生不忘漢倬之朝刪夕
改也而仍之曰冰雪門人傅芑源作而曰子誤矣
曩者子之冰雪其詩卽一時之景取義也今冬且
盡宜霜而露宜枯而華節已閉關皇華使者望於
道目中尚見有冰雪耶吾見子雙親未葬恩仇未
報也則苦於心衣食不充藥石不具也則苦於身
無以承宗祧睦嫻族則苦無以弭盜賊振窮黎則
苦梅將槁而勤以灌溉別其蟲虎入城不醫人而

四明四友詩

苦吟自序

死不附和爲當殺則又苦吟亦安往而不苦哉西
郭子曰子安知今日苦他日不樂也曰是不然他
日剝極而復遂忘今日之苦乎卽使志願俱諧優
游豫順歌詠太平無一本本諸今日親親仁民愛
物之苦心擴充而推致之回念顛頓狼狽一籌莫
展之狀歷歷在目亦有不勝其感歎歛歛者况如
邵子前知止用加一倍法觀前三十九年之苦而
後三十九年可知守子之迂苦方長而未艾也不
苦云乎哉將謂一卷冰雪避俗自攜而可以爲樂
則子之求苦又已甚矣子元之篆直定子生平之
詩者也請質之謝先生可乎明日漢倬適至具述

之笑而不答姑次第前說以爲序康熙戊子十一月初五日甬上萬承勳書於蛟川傅氏之友石齋

四明四友詩

苦吟自序

二

西郭苦吟目次

盧心萬之京師哀而賦此

荔枝花開泣賦

重九後三日黃傳書至用壬午冬同傳書

雪中至西輿韻

聞印公病不起忽以送東廬先生葬過舍

喜賦

周非熊四十

寄錢季清舅氏

十一月廿四日病中印公至寫懷

送印公被盜後歸粟穎時欲與陳山學往

四明四支詩

粟穎度歲

度歲

十二月廿三日雨中聞陳山學為余轉貸

南鄉

元日雨夜

上元前一日錢丈軒聲分惠樹頭黃柑有

作

送傅公孝出門

大雨志喜疊韻示董周池時周池將北行

貧女歎為室人作

芙蓉花二首呈高碧涵郡守

禹陵

南鎮松

吼山 二首

憂 三首

戲示北溟

鎮海吳尉罷官將歸與之飲酒候濤山

插花

再送傅公孝之廣西

友石齋紅蓮花開東育王秋遠禪師

咏蓮 四首

閨情 四首

賦得露添籬菊肥和朱枚簡韻

憂目

庶常九叔五十奉寄 四首

謝陳山學贈裘

四明四友詩

苦吟目次

二

白骨歌爲董願爲出門作

西郭苦吟

鄞 萬承勳開遠著

盧心萬之京師哀而賦此 以下甲申

千山杜鵑花滴盡杜鵑血家家掃墓時之子獨何
適上有八十翁久病不可說辛苦庭中萱嚴霜又
摧折豈不愛春暉何以爲歡悅喚婦三致辭晨昏
代子缺東風吹麻衣自向孤墳別

荔枝花開泣賦

李君 謂寅伯 惠我鮮荔子小人有母嘗之喜種核庭

前萱艸旁每思花發占禎祥見者呼樟不呼荔割
訴根由舌幾敝饑驅別母至閩漳度阡越陌聞花

四明四友詩

苦吟

香舉頭細認荔枝葉歸語吾母時灌漑老眼望穿
花不開一年一度春風回天道七年今始變紅雨
亂落蓋珠現未十晶九掌上擎非樟是荔先分明
痛恨花開母已故祗堪移作墳頭樹

重九後三日黃傳書至用壬午冬同傳書

雪中至西嚮韻

天外風傳桂子香故人來自箭山陽哀鴻尚有凌
空氣老蚌全無照乘光未就寒衣秋已盡難除濁
酒夜偏長月明不敢庭前立恐見愁人鬢髮蒼

聞印公病不起忽以送東廬先生葬過舍

喜賦

風雨過重陽園林墜百果寒烏徹夜啼死信傳粟
顛名公居舊約心欲遵斟酌當其可先往收遺文次
着袈裟妥布被四面遮竹輪當中坐無偶可封龕
有柴便舉火達旦忽叩門門開立簷下看影着地
生索書提筆寫不敢詰前因疑是再生者問公何
以來送葬至東野

周非熊四十

我年十七君廿二一月會文常數四君之祖姑我
祖母行輩相同實師事是時父出母獨居見我頑
鈍輒我詈稱君母教心不負早能卓然成令器我
謂君年長五齡行年如君亦自致幾番秋月換春
四明四友詩
苦吟
一
花我忽踰壯君強仕嗟我憂患生二毛看君單寒
發長喙截髮留賓二母風墓碑三尺無人誌今日
當君母難辰尚恐稱觴勸君醉

寄錢季清舅氏

舅氏今年五
十以下乙酉

小春花發後黃葉北風飄被難身何寄求名路轉
遙多餐沙塞雪莫問浙江潮四十九年事知非盡
可消

十一月廿四日病中印公至寫懷二首

鑪香灰未死瓶水骨方生徑有孤蹤客家無徧謫
聲病多堪一笑才拙更何營每見憐吾瘦殷勤世
外情

問我別來事安禪十二時梅花常撲鼻文字或成
詩晚食忘凶歲尊生守世醫笑他陶靖節瘠餒使
人知

送印公被盜後歸粟顛時欲與陳山學往
粟顛度歲

破屋剩空鍋風吹乾薜蘿看君何所煮笑我欲來
過歲盡人喧市天寒烏覓窠雖然乏酒脯相與祭
詩多

度歲二首

度日皆如歲非因卒歲艱與妻長患病抱子一偷
閒漸謝眼中客時看樓外山偶然聞爆竹重憶少
四明四友詩

苦吟

三

時頑

歷盡秋冬日曾無一日春竭歡嘗累友忍性獨爲
人老去將何了饑來亦有因自從親不在絕口不
稱貧

立春

是日王學
海惠酒

但長思卧雪并亦懶探梅何處東風至後園百舌
來嬌兒添色喜老子有心哀忽饋一尊酒爲誰今
日開

十二月廿三日雨中聞陳山學爲余轉貸

南鄉

我方爲仲子君乃作微生冒雨雙肩聳通財十里

行似憐親未葬惟恐命將傾襁褓呼兒起他年識此情

元日雨夜夢李子良

以下丙戌

窮無人彷彿魂魄遂相通問我別何久答君詩愈工脚同元亮疾耳似少陵聾却怪新年雨驚人到夢中

上元前一日錢丈軒聲分惠樹頭黃柑有

作丈爲先母族叔

積年荼苦百不堪寧圖令節傳黃柑偶向母家一剝啄黃垂樹杪出牆角我欲得之逃雙眸妬殺二客同上樓主人會意下樓摘天然三顆分授客山

四明四友詩

苦吟

四

學歸將遺細君菴瞻奉父情更欣小子入懷慄不語祇喜所得我獨巨還家供之遺容前自母而上多祖先母有孝思肯自食况此物從母家得

送傅公孝出門

結客幾人在貧交相送行秋風猶未起曉色已多清旱久蟬聲澀潮來蟹穴平一帆從此去辛苦見謀生

答劉鼇石寄懷次韻

有序

五月晦日蛟川齋中得鼇石寄詩代東止記丙戌春季歲月不及其所寄之地憶癸酉因先君子被難之京師遇鼇石

於季野叔祖寓舍與之談如故交者每
索余沽火酒飲醉狂叫曰吾可以不娶
哉吾先人死於忠其爲若敖氏之鬼耶
後數年以彈射鉅公詩文忌才者乘機
煽禍叔祖暨授一叔父謀之姜西溟先
生密令南還適陳莘學知漳浦去鼇石
上杭家不遠持余書往謁陳竭贈以
娶資比辛巳再被難從西安歸東行至
華陰忽有呼萬萬萬而西者回顧則鼇
石也下馬道近狀依然未娶叩其所贈
曰吾與之人矣蓋其爲人不通世故亦

不知物力之艱難視所爲詩天下莫已
若天下固鮮有苦者夫與余交八九年
猝遇焉則忘其字見人之急傾囊與之
竟忘其身之未娶卽今隔絕五六年不
寄書而寄詩又不及身在何所其天機
可知已嗟乎鼇石世之欲殺之者多矣
別來所閱之人所歷之地更不知其幾
大抵率性而行不復遇有漳浦君者詩
曰我爲鬼揄頻躑躅蓋謂此耶獨是鼇
石廿年閱歷不爲不久乃云近日金臺
多士聚可能復作帝京游是不但不通

世故且不知余能爲金臺中人物菴
石又何貴有余又何敢交於余而憶之
千里萬里之外意者念吾親憂患餘生
無以爲養勸某貶損其節而爲之耶而
吾親亡矣隱几涕泣者久之答詩成復
不知將寄何所

詩來訊我雙親病椿繼萱推歲已週自此殘軀無
覆載更何大事費綢繆和歌燕市心徒壯駐馬秦
關客共愁半百未成家室計還從遠道憶交游

大雨志喜疊韻示董周池時周池將北行
微雨不救旱床席留餘燄侵曉忽滂沱高卧聽不

四明四友詩

苦吟

六

厭兒女起歡呼共推北牖覘響驚簷溜長貯苦盆
蹶欠急火煎小鑪味甘勝酒醲持之勸故人暫時
住書劍匹馬上長途渴來應注念

貧女歎爲室人作

富女不自織衣裳貧女織入富家箱可憐織縑還
織素完糧身上無完布手理殘絲欲斷機今年織
就自爲衣兒女齊腰口糧急典衣又向朱門入

芙蓉花二首呈高碧涵郡守

名泓山西人
時知紹興府

以下
丁亥

重陽風雨被經旬絳雪團成曉露勻過客不知花
冷淡比他三月玉樓春

別有芳心托杜鵑，非關倚醉夕陽天。
金風吹急朱顏冷，到底朝花比暮鮮。

禹陵

何處孤墳是，空將窆石捫。
翬飛新寢殿，龍御舊山邨。
蔽冕瞻仍在，鞞鐘歎莫存。
聖明如舜禹，野死竟誰論。

南鎮松

遠遠盼爐峰，青青見古松。
山經秦帝望，樹不大夫封。
暝色歸巢鶴，秋聲震壑龍。
禹陵游倦客，到此豁心胸。

吼山二首

四明四友詩

苦吟

七

斧鑿何年了，山心貯水多。
日光搖素壁，魚沫旋圓渦。
松老巖將落，藤紅樹欲拖。
稍聞人語響，洞口又船過。

閣上窺林際，前山正夕陽。
共穿黃葉路，時有菊花香。
梵宇坐來久，松陰歸去忘。
終疑石欲墮，不敢上高岡。

憂三首

競報四隣荒，山中積盜糧。
移軍當白晝，挑戰出嚴霜。
黨是何年聚，官從此日忙。
江城歸棹急，滿載步兵傷。

海舶通商賈，生財亦爲民。
出洋家盡破，輸稅國仍

貧多詐來閩子深憂困杞人閉關猶可救誰向廟
堂陳

魯俗本忠厚年來齊俗同召災驚海嘯捲屋見龍
風野有雙親骨家無五尺童知微思避地身世兩
倥傯

戲示北溟

西郭一飲思千鍾一杯兩杯顏輒紅北溟好飲復
好色自謂不搖如國風昨夜洞房春正暖流蘊雲
鬢香鬢鬆無端醉客槌門入驚斷十二巫山峯今
夕飲我加我罪罰之寧辭樽鼎空絕交欲學嵇中
散夜來餘怒還相攻北溟西郭交既久方諸結髮
四明四友詩

苦吟

八

雙情濃一夜阿嬌入金屋十年好友分西東西東
任君分好友老奴之妻世罕有我今不復願君怨
醉人但願熟讀國風詩數首

鎮海吳尉罷官將歸與之飲酒候濤山

萬生雖無三百青銅錢沽酒十斤與君直上青山
巔青山上下何所有紅日一輪海水走中有纍纍
陳死人笑謂人生意氣何須真君不見來時脚踏
草頭露去時一片烟光暮又不見雷轟萬馬朝潮
來瞬息力盡奔復回此山在昔平倭日岡巒雲擁
旌旗密白鹿獻罷藏良弓燭髓魂泣青蠅空尚有
樓臺聳天外百年遺像甘棠在一番劫火餘空盞

游人寂寞來飛禽試問君兩人得酒更何說直待
青山崩紅日墮海水俱不流掌上之杯乃可歇

插花

綠鬢猶思對鏡誇數莖早白帽簷斜簪枝茉莉人
爭看只道先生愛插花

再送公孝之廣西限用右丞韻

期汝家居好較前精力稀謀生仍萬里話別倚雙
扉瘴滿經行道炎蒸舊汗衣莫因舟楫便纔到又
思歸

友石齋紅蓮花開東育王秋遠禪師

獨含君子德相對讀書堂絳帳花分色朱顏客較
四明四友詩
蒼曉涼餐葉露風定候心香因乞金蓮種投詩到
育王

咏蓮四首

朵朵千層蓮紅綃是誰剪游人愛顏色不問花深
淺

日昃菡萏收日旭菡萏拆公子睡方濃清香無主
惜

嫩蕊出清漣同根無厚薄兩花高葉擎一花愁日
暴

蓮花未出土蓮心便如許心有千年花花開心獨
苦

閨情四首

靚粧下庭堦，盆荷艷曉景。與花較短長，妾肩過花
梗。

手持竝蒂花，頻嗅風前立。花露沾朱顏，自咤淚痕
濕。

縱有九葉蓮，不耐連朝雨。置篋收花片，餘香尚可
貯。

與郎種蓮花，結子共滋味。郎出花復開，藕絲斷還
未。

賦得露添籬菊肥和朱枚簡韻

寄植東籬下，由來灌溉稀。豈嫌開淡薄，非以悅輕
四明四友詩

苦吟

肥曉看花何濕晴，知露未晞芳腴雖可味不救爾
翁饑。

憂目

宋起巖孝廉推余五
星今年當眇左目

百病沉胸臆，寧徒一目微。半生虧本行，四體望全
歸。玩色心將淡，看書力已稀。所憂身外事，觸處倘
相違。

庶常九叔五十奉寄四首

猶淹供奉祿，已度服官年。髮恐愁來白，書應醉後
顛。家貧艱四壁，胙薄仗雙肩。外出如堪請，無勞日
撻天。

滄桑居丙舍，文獻蔚何昌。爨火饑驅散，耆英困守

亡地多堆瓦礫人欲廢烝嘗畫錦殷勤望并州豈
故鄉

先子三長擅承明十載過空遭豨矢毒未浴鳳池
波故籍飄零在微詞改竄多玉堦仍珥筆莫問史
如何

出處無長策生涯獨閔凶每提愁緒亂翻覺寄書
慵一子今黃口強年早病容首春思介壽詩就已
隆冬

謝陳山學贈裘

并序

十七年來爲先人患難疾病海內里中
行乞殆徧獨禦寒之具尚有存者今年

四明四友詩

苦吟

十一

妻子乏食捲賣一空客齋寒至流連今
昔每誦東野一步步乞一片一片衣
句自爲訕嘲山學歸自閩中製裘遺我
今而後寒亦何畏但悲寒具之不爲先
人盡也

輕裘遠寄海天寒孤館欣同煖閣看聽去悲風攢
入骨雙親淺土未曾安

白骨歌爲董願爲出門作

古墓犁平新墓開南邨葬盡北邨來但見腐草化
螢火不見白骨離塵埃塵埃有我前生骨今生邨
得知其窟一日青山骨未埋半世紅塵走不歇董

君董君爲汝歌人事從來不了多譬如我骨昨已
朽一家望眼空摩抄

